

序

媽祖生於宋太祖建隆元年庚申（西元九六〇年）三月二十三日，算至今日，已經一千零二十一了；而她成道飛昇是宋太宗雍熙四年丁亥（西元九八七年）九月初九日，當時年僅二十九歲，算至今日，已經九百八十二年。據記錄所載：她十六歲時已經驅邪救世，屢具神異，鄉里稱爲「通賢靈女」。飛昇後，鄉人爲她立廟；但這僅是鄉里的私祀，到宋徽宗宣和四年壬寅（西元一一二二年），因爲給事中 路允迪奉使高麗，由於得到神的護佑，得免覆舟，獲得朝旨賜給「順濟」廟額，立廟於湄洲，這是正式得到政府褒揚之始，算到現在，已經八百五十八年了。

宋高宗紹興二十五年乙亥（西元一一五五年），因爲救疫著靈，詔封「崇福夫人」，這是得朝廷封號的首次，算到現在是八百二十五年。以後紹興二十六年丙子（西元一一五六年）封「靈惠夫人」，三十年庚辰（西元一一六〇年）加封「靈惠昭應夫人」，宋孝宗淳熙十年癸卯（西元一一八三年）加封「靈慈昭應崇善福利夫人」。

宋光宗紹熙元年庚戌（西元一一九〇年），因為救旱顯靈，頒詔晉封「靈惠妃」，這是由夫人晉階爲妃的首次，算到現在已經有七百九十年，是初膺封號後的三十五年。以後宋寧宗慶元四年戊午（西元一一九八）封號加「助順」二字，開禧元年乙丑（西元一二〇五年）加「顯衛」二字，嘉定元年戊辰（西元一二〇八年）加封爲「護國助順嘉應英烈妃」，宋理宗寶祐元年癸丑（西元一二五三年）改封「靈惠助順嘉應英烈協正妃」，三年乙卯（西元一二五五年）改封「靈惠助順嘉應慈濟妃」，四年丙辰（西元一二五六年）改封「靈惠協正嘉應善慶妃」，開慶元年己未（西元一二五九年）改稱「顯濟妃」。

截至宋末爲止，媽祖仍僅是一保境安民、護國救災的神祇，到了元代，因為特別重視東南漕船的海運的安全，所以在元世祖至元十八年辛巳（西元一二八一年）因漕運獲祐之故，晉封媽祖爲「護國明著天妃」；從此媽祖才成爲航海家的守護神，爵位也升爲天妃，算到現在，已經六百九十九年了。以後至元二十六年己丑（西元一二八九年）加封「顯祐」二字，元成宗大德

三年己亥（西元一二九九年）加封「輔聖庇民」四字，元仁宗延祐元年甲寅（西元一三二四年）加封「廣濟」二字，元文宗天曆二年己巳（西元一三二九年）加封至「護國輔聖庇民顯佑廣濟靈感助順福惠徽烈明著天妃」，並且由朝廷派員致祭從天津到福建沿海各地的十八處神廟（各廟祭文具載「天妃顯聖錄」），文宗至順元年庚午（西元一三三〇年）賜廟額「靈慈」。

明太祖洪武五年壬子（西元一三七二年）改封「昭孝純正孚濟感應聖妃」，這是晉號「聖妃」之始；但到成祖永樂七年己丑（西元一四〇九年）又恢復了天妃之稱，封爲「護國庇民妙靈昭應弘仁普濟天妃」。這時代，下西洋的使者絡繹不絕，航海的安全更形重要，因而除了不斷遣使致祭之外，永樂七年並建祠於南京城外，稱爲「弘仁普濟天妃之宮」，是都城建祠及祠宇稱「宮」之始，算到現在，已經五百七十一年。毅宗崇禎十三年庚辰（西元一六四〇年）加封「碧霞元君」。以後到了清朝，清聖祖康熙十九年庚申（西元一六八〇年），延平王世子鄭經撤退返臺，福建水師提督萬正色以光復廈門報捷，說是得有神助，於是加封「護國庇民妙靈昭應弘仁普濟天妃」，

不久又加「天上聖母」稱號；康熙二十三年甲子（西元一六八四年）汪楫、林麟焟出使琉球，回奏獲神默祐，請列祀典未准；到康熙五十八年己亥（西元一七一九年），冊封琉球使臣海寶等以海途遭風獲祐，始奏准列入祀典，是列祀典之始。世宗雍正四年丙午（西元一七二六年）福建水師提督藍廷珍奏請賜給匾聯，奉旨頒給「神昭海表」御書匾額於湄洲、廈門、安平三處天后宮（目前各天后宮的「神昭海表」大匾都是依式摹寫的）。

清高宗乾隆二年丁巳（西元一七三七年）晉封「護國庇民妙靈昭應弘仁普濟福佑群生天后」，從此已經到了女子封爵的極致，算到現在，已經二百四十三年了；乾隆廿二年丁丑（西元一七五七年）加封「誠感咸孚」四個字，乾隆五十三年戊申（西元一七八八年）四月十六日，由於臺灣發生「林爽文事件」，來臺主將福康安渡海迅速及內渡船隻遭風獲安等事，先後勅令疆吏修葺祠宇，清高宗親書聯、額分於廈門、興化兩處懸掛，並又加封「顯神贊明」四個字。同年六月十七日，又諭令福建督撫於天后本籍祠宇讀文致祭，並命禮部列入祀典。按：媽祖之列入祀典已於康熙五十八年奏准，此次上

諭是據德成面奏所說：『天后神廟向來祇係地方私祭，從未春秋官爲祭祀。』德成大概不甚了了，當時未經部議就准奏了，但禮部縱使發現有誤，也未便揭穿，而使德成受處分。

清仁宗嘉慶十一年丙寅（西元一八〇六年）六月二十四日，因爲勦辦蔡牽，海戰過程中疊獲神祐，上諭發去大小藏香五炷，交溫承惠親詣沿海各處天后宮祀謝。十四年己巳（西元一八〇九年）七月，颱風大作，福建省城一帶公廨、民居、兵船、商船遭損慘重，命福建總督於天后宮敬謹致祀，以迓神庥。宣宗道光六年丙戌（西元一八二六年）頒給「安瀾利運」匾額，十九年己亥（西元一八三九年）頒給「澤潭海宇」匾額。

清文宗咸豐五年乙卯（西元一八五五年）十二月初九日，因海運漕糧迅速到達天津，加封天后爲「衛漕保泰之神」，並且頒給「恬波利運」匾額給各地天后宮。清德宗光緒元年乙亥（西元一八七五年）正月初十日，敕加天后封號「敷仁」二字。八月十四日，由福州將軍文煜奏請，於臺灣安平海口專建祠宇（安平天后宮是全臺唯一由政府敕令建造的）。

除了媽祖本身歷代得有封號外，在宋朝起就已經襲封她的一家了——宋寧宗慶元六年庚申（西元一二〇〇年），封天后之父林愿爲「禎慶侯」，後改「威靈侯」，又加封「靈應嘉祐侯」，母王氏封「顯慶夫人」，兄林洪毅封「靈應仙官」，五個姐姐都封「慈惠夫人」。

在福建莆田媽祖原籍，當地人習慣上稱媽祖爲「神姑」，這是源於戚誼和鄉誼的親密稱呼，而在福建其他各地原來稱作「娘媽」，例如澎湖的馬公鎮，就因爲原作「娘媽宮」，也簡稱「媽宮澳」，這在各文獻中屢見不鮮，後來才用諸音而雅化爲馬公的。在福建稱「娘」相當於「小姐」或「夫人」，「媽」則是年高有德的女人之敬稱；以後再進而稱「祖」，則又進一階了。

福建莆田因爲是媽祖的誕生地，天后宮特別多，而據天妃顯聖錄所載「歷朝襲封致祭詔誥」篇所載，就有「祭直沽廟」「祭淮安廟」「祭平江廟」「祭崑山廟」「祭露漕廟」「祭杭州廟」「祭越廟」「祭慶元廟」「祭台州廟」「祭永嘉廟」「祭延平廟」「祭閩宮」「祭莆田白湖廟」「祭湄洲廟」「祭泉州廟」的祭文十六通，這都是元文宗天曆二年己丑（西元一三二九年

（一年間的事，可見在元代從福建泉州起，沿浙江北上直到天津大沽口，已經無地無天后宮了。又據明代太監鄭和等所立婁東劉家港天妃宮石刻「通番事蹟記」（全文見附錄二），這座宮的規模是僅次於在南京的都城天妃宮的（彼時媽祖的封號還沒有晉后），按：劉家港就是江海之衝的瀏河口，鄭和七下西洋都在此造船、出航，所以特顯重要。至於碑文中所稱「宮後重建」峴山小姐神祠」一節，峴山小姐與媽祖是何淵源有待考證。又明崇禎間封媽祖爲「碧霞元君」一事，見汪楫的靈異記（本書有附錄），碧霞元君是宋眞宗封東嶽大帝之女爲「天仙玉女碧霞元君」的封號，何以作爲媽祖的封號呢？經查天妃救苦靈驗經，媽祖乃是「妙行玉女」（玄妙玉女）托生人間的，妙行玉女也就是天仙玉女碧霞元君了，則媽祖原是泰山之神。

祖先們的來臺拓荒，都要從大陸原籍渡海，由於臺灣海峽風濤險惡，在心理上有所賴於媽祖的護持，因而奉祀尤重誠敬，更多從大陸原籍的祠宇分靈而來，這即表示在臺所祀的仍是大陸上原來的神，這又顯示出中國人敬天法祖，不忘其本的特色。由於輾轉分靈的結果，臺灣的天后宮就特別多，連同

小規模的神壇合計，全臺總數總應有數千之多。同時，臺灣的男性長子，父母爲了鍾愛他，祈求好生好養，往往在取名字時嵌一個「媽」字，例如清乾隆年間的林爽文事件中，天地會中人就發現有「楊媽世」「林媽成」等；嘉慶年間在臺北大屯山下武裝反清事件的首領是「高媽達」（清官方文件作「高變」），在目前，此例大概也不少。

記錄天后事蹟的書，有敕封志、顯聖錄、顯應錄、昭應錄、述異記等多種，但出刊當時流布雖廣，卻少典藏，對於考證天后生平及流傳的靈異事蹟多有窒礙。臺北圖書館藏有兩本此類的書——一本是照乘發刊的木刻本天妃顯聖錄，一本是臺北保安堂發刊的石印本天上聖母源流因果。關於前者，發刊的時間不詳，但既名天妃顯聖錄，則應該在清高宗乾隆二年晉封天后之前，而書首有林麟焄的序文，雖然沒有寫出時日，但文中提到奉派冊封琉球返程的神祐，林氏是清聖祖康熙二十二年癸亥（西元一六八三年），也就是臺灣歸清的一年，和汪楫一同奉派爲冊封琉球的欽使，復命時奏請給天妃春秋祀典，序文中也經敘明。又書中「歷朝顯聖褒封共二十四命」篇雖敘到康熙

十九年止，「歷朝襲封致祭詔誥」篇卻敘到清世宗雍正四年丙午（西元一七二六年），則可以確知這本書發刊的時間是雍正丙午到乾隆丁巳之間（一七二六—一七三五年）。至於天上聖母源流因果則發刊於民國六年。

天妃顯聖錄一書題爲「住持僧照乘發心刊布，徒普日、徒孫通峻薰沐重修」，由於書中林堯俞、黃起有、林麟煊三篇序文所述，照乘是湄洲天后宮的住持；天后明明是道教的神（如她師父是道士玄通，所學的是銅符鐵券、玄微秘法及白日飛昇等神跡，祠宇稱宮不稱寺、法身不穿僧衣等，皆足證明，又如媽祖部下總管晏公，是統領「水闕仙班」的，水闕仙班共十八人，嘉應和嘉祐二人皆在此列，部領衆仙，則她是仙，而非佛，更爲明顯）。爲何祠宇的管理人不是道士而是佛徒的「僧照乘」呢？這和臺灣的和尙住道觀肇因不同（最明顯的如臺北木柵指南宮奉祀的是呂純陽，而管理指南宮的卻是和尙），臺灣在日據時期因爲道教是反日的，所以禁止道教活動，因此許多道教祠宇爲了避免被取締的噩運，而改以僧侶的面目示人，有的則被迫以和尙取代道士。湄洲天后宮之所以如此，是源於民間信仰已經是道、佛不分

的，這祇是循俗而已（例如大陸上的張巡祠，張巡死後追贈「揚州大都督，世俗都稱「都天廟」，都天廟亦有以和尚住持的）。

這兩本書，臺灣銀行經濟研究室曾經借鈔發刊，列爲「臺灣文獻叢刊」第七七種；但流布不廣，因此特予校訂發行。並另將道藏乙書內的洞神部傷字卷十所收「太上老君說天妃救苦靈驗經」及錢穀「吳都文粹」續集卷二八所輯「婁東劉家港天妃宮石刻通番事蹟記」附錄於後。其他未經發現的資料，在臺灣一定不在少數，續行搜羅則俟之異日。

民國庚申孟春（西元一九八〇） 南樓 張炎 序於臺北楓廬

天上聖母源流因果

第一章	求佳兒大士賜丸……	十三	第十六章	高里鬼現相投誠……	十六
第二章	聞異香我后降世……	十三	第十七章	逐双龍春夏雨止……	十六
第三章	遇道人秘傳玄訣……	十三	第十八章	驅二李南北津通……	十七
第四章	窺古井喜得靈符……	十三	第十九章	破魔道二嘉伏地……	十七
第五章	運神機停梭救父……	十四	第二十章	證仙班九日昇天……	十七
第六章	聞疾呼失柁哭兄……	十四	第二十一章	示地利創始建廟……	十八
第七章	資民食瀉油生菜……	十四	第二十二章	驅水怪咸願捐金……	十八
第八章	渡滄海指席爲帆……	十四	第二十三章	憑枯楂聖墩立廟……	十八
第九章	救舟人小草成杉……	十四	第二十四章	得銅爐錦屏建祠……	十八
第十章	解旱災甘霖沛野……	十五	第二十五章	護糧船額頒靈惠……	十九
第十一章	策鐵馬代楫渡江……	十五	第二十六章	療民疫井號聖泉……	十九
第十二章	收神將演咒施法……	十五	第二十七章	答神庥千秋崇祀……	十九
第十三章	率水族龍子來朝……	十五	第二十八章	助皇師一將成功……	二〇
第十四章	投法繩晏公歸部……	十六	第二十九章	止陰潦轉歉爲豐……	二〇

第三十章	除水患收魔爲將……	二〇	第四十六章	過柑砧夢祐王臣……	二四
第三十一章	明前跡神槎再現……	二〇	第四十七章	晝夜順風護冊使……	二五
第三十二章	助討逆合家受封……	二〇	第四十八章	春秋崇祀沛皇恩……	二五
第三十三章	顯聖威金人碎首……	二一	第四十九章	佑漕船利運天津……	二五
第三十四章	率神將周寇亡身……	二一	第五十章	送冊使奉詔中山……	二五
第三十五章	錢塘江遏水成隄……	二一	第五十一章	警憊兵顯靈上海……	二六
第三十六章	興泉郡招商買米……	二二	附(一)天后本文世系考……	二六	
第三十七章	廊廟下火焚惡黨……	二二	(二)賢良港祖祠考……	二七	
第三十八章	波濤中默佑漕船……	二二	(三)湄洲廟考……	二八	
第三十九章	現火光明師無恙……	二三	四冊使顯應記(九則)……	二九	
第四十章	授丸藥呂德回生……	二三	(五)述異記(二則)……	三一	
第四十一章	聞仙樂鄭和免險……	二三	(六)汪冊使靈異記(二則)……	三二	
第四十二章	過小磯楊洪脫災……	二三	(七)莆縣令顯應記(二則)……	三三	
第四十三章	草彈章託夢除奸……	二四	(八)蘇總兵靈應事……	三六	
第四十四章	憫軍行流泉解渴……	二四	(九)跋……	三七	
第四十五章	平澎湖陰魔神將……	二四			

天上聖母源流因果

第一章 求佳兒大士賜丸

天后，林氏女也，先世自唐迄宋代有功績，世勳承襲，遂家於莆田。父惟懋公尤好善樂施，敬奉大士；年四旬餘止一子，焚香祝天，願得佳兒。己未六月，夜夢大士告曰：『上帝式佑爾善。』授以丸藥，遂孕。

第二章 聞異香我后降世

宋太祖建隆元年庚申三月二十三日，方夕，紅光射室，異香氤氳，迺誕天后。爲惟懋公第六女也。

第三章 遇道人秘傳玄訣

后生而聰穎，八歲悉解文義，十歲即好經籍。十三歲遇老道士曰：『若具仙性，應得度入正果。』授以「玄微秘法」。

第四章 窺古井喜得靈符

后年十六時，與諸女遊，窺古井，忽見神人捧銅符一双，上有仙官擁護；群女駭奔，后受之不疑。自是法力玄通，屢顯神異。

第五章 運神機停梭救父

時值九秋，后父兄兩舟濟海；西風正急，波濤震奔。后方織，忽心動，遂閉
瞋神馳，手持梭，足踏機軸，若有所挾而恐失之意。

第六章 聞疾呼失柁哭兄

機上凝神，母怪，急呼，后醒而泣曰：『父得保全，兄已沒矣！』始知頃所
踏者父之舟，手持者兄之柁；呼醒舵摧，竟不獲救。

第七章 資民食瀉油生菜

湄有小嶼在旁流中，后遊其地，適母遺以菜子油，后即傾地；皆抽菜甲，燦
然金黃，布滿山墜；至今四時不絕，遂名爲「菜子嶼」。

第八章 渡滄海指蓆爲帆

一日，后欲渡海，舟楫不整，舟人難之。后指草蓆曰：『無妨！即此可憑矣。
』懸之竿，若鳬鷗之出沒，追狂飈而鼓棹，破巨浪而旋槎。觀者驚爲飛渡。

第九章 救舟人小草成杉

嶼西有山曰「夾山」，礁石林立，船不敢近。一日，風濤震撼，舟人哀號，

人莫能救。后擲草數根，化成大杉排空，舟得以附焉。

第十章 解旱災甘霖沛野

后年廿一，莆田大旱，父老咸稱非神姑莫解。尹詣請，許之，擬壬午申刻當雨。至期大沛甘霖，遂獲有秋，人皆懽呼頌德。

第十一章 策鐵馬代楫渡江

一日，渡江無楫，遂策簷前鐵馬，快若奔騰，人駭爲青驄；行水上天，馬驟空中，只不見其解鞍嘶秣耳。

第十二章 收神將演咒施法

后年廿三，收順風耳、千里眼爲將。先是，二神爲崇西北，民間苦之，求治於后；后曰：『此金水之精，乘旺所鍾，我當以火土剋之。』乃演咒施法，二神遂懼而皈依焉。今俱封爲將軍。

第十三章 率水族龍子來朝

東海多神怪，后乃命泄中流；風日澄霽，中見水族駢集，龍子鞠恭於前；后勅免朝，即退。至今天后誕辰猶然慶賀，是日漁者不敢施罟下網。

第十四章 投法繩晏公歸部

有晏公者，浮海爲怪，后先施法力制之，雖仗神威，未能誠服。後又逞色變龍，興濤滾浪而犯后舟，后投下絆繩，隨攝隨粘，牢固難解，始懼而伏罪。后囑曰：『東溟險阻，爾當護民！』收爲部下總管。

第十五章 莆田尹求符救疫

歲祲疫，莆田縣尹闔家病篤；吏告以請救，尹乃齋戒詣求。后曰：『此天災何敢妄干！念其仁慈素著，代爲懺悔。』取菖蒲九節書符貼，並煎飲之，立瘥。自此名徹寰中矣。

第十六章 高里鬼現相投誠

高里鄉突有陰怪爲祟，人咸求治於后，符咒貼處，如鳥飛遁，后跡其穴掃除，見一團黑氣中，惟鷓鴣小鳥踏空而墜，化爲枯髮，焚之，即現本相——乃一小鬼也，叩拜投服焉。

第十七章 逐双龍春夏雨止

后年廿六歲，自春至夏淫雨不止，省官奉天子命所在祈禱；莆人詣請於后，

后允爲邑造福。后見白虬奔躍、二龍遊盪，乃擊靈符鎖住白虬，遽有金甲神人逐二龍遁；甫即大霽，秋且告稔。奉旨改幣報功。

第十八章 驅二亭南北津通

吉蓼城西，有橋跨海，南北通津；忽一日，怪風掃地，橋柱盡折，行人病涉焉。后知二字爲祟，遙見黑氣冲霄，即演靈術驅之，人渡如故。

第十九章 破魔道二嘉伏地

時有二魔：一日嘉應，一日嘉佑，或於荒坵中、或於巨浪中爲害，或於客舟中流現——赤面金裝，當前鼓躍。后化寶舟出沒波濤間，嘉佑舍客舟而就后船，后以咒壓之，遂懼伏。嘉應从上路犯后，后拂塵霾，望其騰躍，終不越故處，遂悚懼而遁；然魔心未淨，後歲復作，乃得歸正。

第二十章 證仙班九日昇天

宋太宗雍熙四年丁亥重九日，同諸姊登高於湄峯山巔，恍聞空中絲管韻叶，八音齊奏；仰見鑾輿翠蓋，儀皂幢旛，雜沓而至，后乃跨雲而上；衆咸歎歔驚異。俄而，彩雲佈合，不復見矣。嗣後屢呈靈異。相率立祠，號曰「通賢」。

靈女」。

第二十一章 示地利創始建廟

宋高宗紹興廿六年丙子，以郊典，特封「靈惠夫人」。次年秋，神來相宅，取莆城東之水，示民曰：『白湖夢示章、邵二族。』丞相陳俊卿聞之，驗地果吉，興工創建廟宇。

第二十二章 驅水怪咸願捐金

商人三寶，貨船忽梃膠不起，舟人入水，見一怪坐梃；各驚惶，詣祠祈禱。恍見神后飄渺前來，怪即遁，梃立起。三寶許願捐金改觀廟貌。

第二十三章 憑枯楂聖墩立廟

宋哲宗元祐元年丙寅，莆東有墩，常現光，跡之一枯楂也；漁人拾之歸，楂自還故處；再試亦然。鄉人獲夢，知楂爲神所憑。制幹支公聞之，募建廟，號爲「聖墩」。

第二十四章 得銅爐錦屏建祠

哲宗元符初，莆之南有地曰「楓亭」，其溪通津達海，戊寅潮長時，漂一銅

爐，寶光陸離；楓人收之，同夢后囑，爰備香花，奉至錦屏山下建祠以祀。

第二十五章 護糧船額頒靈惠

元文宗至順元年庚午春，糧船開洋遇風，桅檣漂蕩，戰慄哀號。忽祥雲靄靄，見空中朱衣擁蓋，燈火垂光；既而風息，得獲全安。奉旨賜額曰「靈惠」。

第二十六章 療民疫井號聖泉

宋孝宗乾道二年春，大疫，神降於民李本家，言曰：『白湖旁可鑿泉，得飲以除疫病。』果然泉味清冽，飲如甘露，朝汲而夕瘥焉。人感回生之功，甃爲井，號曰「聖泉」。

第二十七章 答神庥千秋崇祀

海邦履險，臨於不測之機，神靈呵護，應於非常之際，或化蝴蝶蜻蜓，繞桅檣而垂引，或令瑞禽燕雀示舟楫以無虞；至於明燈璀璨，慈悲靈濟於若隱若現之間，瑞氣氤氳，顯赫神通乎，可望可即之下，總在一誠可格，未可思議名言者也！

第二十八章 助皇師一將成功

孝宗淳熙十年癸卯，福建「都巡檢」羌特立奉命征勦溫、臺二府草寇，相持意怯，共祝神靈垂庇；恍見神立雲端，旗旛飛，鸞儼如虹電，我師乘風騰流，賊舟在後，急撥棹擊之，獲其首而擒其黨。請於朝更加封焉。

第二十九章 止陰潦轉歉爲豐

宋寧宗慶元四年戊午，甌閩霖潦，民不聊生；禱於神，夢曰：『人多不道，上天因此一方耳。予念若輩恭虔，奏請矜赦。』越三日，大霽，且錫有秋。

第三十章 除水患收魔爲將

后念嘉應未歸正道，究爲妖孽，乃化一舟乘之；應見，即衝潮登舟，坐於桅前。及岸，見后立船頭，應乃倉惶請宥；並收爲將。

第三十一章 明前跡神槎再現

莆東寧海橋頭，衆方渡，見光中縹渺浮一古木，其狀絕異，順流而前，人莫之識。至夕，鄉人得夢，知當年顯應神槎云。

第三十二章 助討逆合家受封

大奚寇作亂，閩師討之；賊勢甚銳，衆請香火以行。得藉神威返風旋波，擒其渠帥，掃蕩無遺。具奏陰佑大勳，詔議加封。合家榮贈。寧宗慶元六年，朝廷以神妃護國庇民功參玄造，人本乎親，慶自先貽，於是頒詔，封妃父爲「祚慶侯」；又以顯赫有裨民社，加封爲「靈感嘉祐侯」，母王氏封「顯慶夫人」，兄封「靈應仙官」，神姊封爲「慈惠夫人」。

第三十三章 顯聖威金人碎首

宋寧宗開禧改元乙丑，金人僕散揆潛渡淮，王師啓行，夢神告曰：『吾當助威。』初戰花靨鎮，再戰紫金山，三戰合肥，皆雲端顯聖，王師賈勇，賊將披靡，大礮碎其酋長，斬馘無算。上聞，加封「靈惠」。

第三十四章 率神將周寇亡身

寧宗嘉定改元戊辰，草寇周六四犯境，災後人民無賴，旣困赤地，遂入綠林，劫掠日甚。尉師襲之，夢神示助；越四日入境，忽見空中有旗幟之影，賊驚懼退舟，遽衝礁攔淺；尉師駕艇追之，獲其首，餘凶悉平。奏上，加封。

第三十五章 錢塘江遏水成隄

宋理宗嘉熙元年，錢塘潮決潰隄，湧波爲患，郡人號祝；忽望艮山祠若有限拒，水勢倒流，人得以施版築；遂獲隄成。

第三十六章 興泉郡招商買米

理宗寶祐改元，興、泉旱，饑困弗支，求禱者絡繹；神乃示夢云：『若無憂，米即至矣。』因又示夢廣商云：『興、泉苦饑，速往，可倍利。』舶集，價平，共相快快。人語感夢之由，始悟救二郡生靈也。

第三十七章 廊廟下火焚惡黨

理宗開慶改元己未，賊陳長五兄弟三人殺掠興、泉、漳三郡；八月，賊三舟入湄島登岸，據廟裸體偃臥；神火燒之，退遁舟中。忽而晦冥，誘之出港，擱淺；憲使王鎔會兵擊之，至福清俘磔；乃神助之力也。詔復加封「顯濟」。

第三十八章 波濤中默佑漕船

元文宗天曆元年，運漕入海，遇風，七晝夜不息，舟人哀禱，見燈火從空掩映，異香馥郁，遂爾波恬浪靜。奉旨遣官致祭浙、閩等處廟一十五處，並加徽號。

第三十九章 現火光明師無恙

明太祖洪武七年，泉州 衛指 揮周坐領戰船哨捕，遇風擱淺，舟人環呼神救，忽見神火熒煌，俄而，巨浪送船進港。指揮 周立廟泉州，以報德。

第四十章 授丸藥呂德回生

洪武十八年，興化衛呂德疾篤，夢神授丹令吞之，嘔物二枚遂痊。復夢告曰：『救爾者乃大士示現，爾當敬奉之。』德乃捐金建 觀音堂 於湄。

第四十一章 聞仙樂鄭和免險

明成祖永樂元年，「欽差大臣」鄭和等往暹羅，經大星洋，舟將覆；禱之，俄聞 天樂浮空，異香縹緲，宛見神立桅左，返風滅浪，乃得掛帆。奏請遣官致祭。

第四十二章 過小磯楊洪脫災

明宣宗宣德五年，「欽差大臣」楊洪等賫賜物於諸番，一日至中流，見大山橫峙，舍舟登山，以舒沉鬱；見旁一小磯，有女子攜筐採螺，因往觀之；其大山忽不見。大山者巨鰲也，方知神后點悟云。

第四十三章 草彈章托夢除奸

明世宗嘉靖間，嚴嵩專權誤國，御史林潤擬糾彈革；假寐間，夢神告曰：『公心忠誠，本上必准。』後果然。遂建廟於涵江。

第四十四章 憫軍行流泉解渴

康熙廿一年十月，「靖海將軍侯」施奉命征勦，師屯平海；地多斥鹵，樵汲維艱。惟神宮前一小井，炊爨弗繼。將軍求禱之，而清泉泛溢，不異耿恭拜井之奇。爰曰「師泉」，作誌以著靈顯。

第四十五章 平澎湖陰麾神將

康熙廿二年六月，將軍侯奉命征臺，路過澎湖，萑苻竊踞要津，難以徑渡；於是整奮大師，連發火礮；恍見神麾旗率將助戰，遂克其衆。欽差賈御香帛致祭。

第四十六章 過柑桔夢祐王臣

康熙廿二年，總督姚既平臺灣，有隨征同知林昇、總兵游澎自臺回，夢帶紅帽四人至前；問所從來，曰：『護爾。』及過柑桔，舵折將覆

，竟無虞，並見天后護焉。

第四十七章 晝夜順風護冊使

康熙廿二年，欽差 汪楫、林麟焜等冊封琉球；正東風甚猛；諭祭於怡山院甫，畢，而南風三晝夜，直達迎恩亭；琉球駭爲飛渡。復命，奏請春秋祀典。

第四十八章 春秋崇祀沛皇恩

康熙五十八年己亥，冊封琉球使 海寶、徐葆光等往返海道，風少不順，則祈禱天后，即護安吉。後復命，奏准春秋祀典。

第四十九章 佑漕船利運天津

道光六年，江南漕船從上洋海運，二月廿六、七等日，西北風暴大作，勢甚猛烈，漕船正抵黑水大洋，迭遭風暴，各船齊下太平筐簍，隨風漂洶，歷數日夜。危急之頃，若有神助，往返水程幾萬里，一千餘號漕船齊抵天津，米石毫無漂失，在船舵工水手二、三萬人並未捐傷一名，尤爲向來未有之事。「巡撫」陶奏請：『海運化險爲平，顯應尤著。』加封「安瀾利運」匾額。

第五十章 送冊使奉詔中山

道光十九年己亥，冊封琉球國正使 翰林院修撰 林鴻年、副使 翰林院編修 高人鏗途中兩次猝遇風暴，正在汪洋萬頃之中，人力莫施，舉舟惶悚；虔誠祈禱，皆獲化險爲夷。奏請加封「澤潭海宇」四字。

第五十一章 警憊兵顯靈上海

道光廿一年，英夷犯浙，蘇松戒嚴，有客兵駐紮上海潮州會館，裸臥神前，穢褻殊甚。七月十五夜，兵於夢中，似有人擊，駭奔呼救；鄰人亦驚起，但見黑衣人無數，提械追擊。從此兵皆叩頭悔罪焉。

附一：天后本支世系考

唐 太子詹事 諱披，生九子，皆官「刺史」，世稱「九牧」；第六子唐 邵州刺史，諡忠烈，諱蘊；生子諱愿；愿生四子，第三子圉仕，閩王審知爲州牧——即后之高祖也，子保吉棄官隱於賢良港；保吉生子孚，爲「福建總管」；孚生惟慤，爲都巡官；惟慤生洪毅及六女，后其第六女也。洪毅生一子，傳數世而成巨族，皆居於港，現分爲六房。其祖祠所奉乃本支之先代也，所修家乘昭穆亦復秩然，世有以后尊榮奄爲己房所出，將

其先代而改易之；按：后之高曾祖、父、兄皆出仕，其父兄又經勅封，奚堪泯沒！當年 端州 刺史公房提學——諱麟煊所作序文已昭然可考，毋須置辯。又有云，后父名愿，不應犯六世祖諱，細思五代遞及宋初，紛紛多事，且托處海濱，想亦未計及此；今閱其祖祠神主及其族譜，皆稱「惟慤」，則相傳名愿者非。

附二：賢良港祖祠考

港之祖祠前代已有建立，明永樂十九年，上以天后屢著靈異，聞祖祠圯壞，特命 內官 赴港修整。及嘉靖時，倭人擾攘，民居盡被燬，獨祠不壞。祠內供奉始祖 唐邵州刺史公 暨后之高曾祖、父、兄並后寶像。順治辛丑年，奉文遷界，子姓將神主、寶像暫寄於涵江天后宮，祠遂圯。康熙二十年，展界復回，鄉人同子姓鳩工建造，赴涵請歷代神主，供於寢堂，寶像供於中廳，春秋二祭皆在於斯。

世傳祠內寶像係異人粧塑，各處供奉之像皆不能及；以遷界寄奉涵江，至復界時，子姓到涵請回，涵之里人不肯，乃同詣神前卜筮，得九十九聖筮，涵江里人遂備船，用綵亭、鼓吹送寶像登舟，船甫開，雷雨驟至，隨船之

後，而船不沾濡。既入祠，雷雨大作，水溢堂廡，鄉族之人不能行禮；口祝於后，雷雨即時屏息，風掃地乾，瞻拜者莫不詫異。嗣後，凡有到祠請香火者，多有雷雨隨之，至今猶然。

附三：湄洲廟考

天后於宋雍熙四年九月九日到湄洲飛昇，里人立祠祀焉；僅落落數椽，而祈禱報賽殆無虛日；後有商人三寶感戴神庥，捐金創建廟宇。宋仁宗天聖中，神光屢現，荷庇佑者鳩貲廣大其地，廟廡益增巍峩。明洪武七年，指揮周坐重建寢殿、香亭、鼓樓、山門，復塑寶像。又有張指揮建一閣於正殿左邊，名「朝天閣」。永樂初年詔擴大廟宇，不時致祭。宣德六年，遣官修整廟宇。國朝康熙二十二年，總督姚起蓋鐘鼓樓、山門，又將東邊朝天閣改爲正殿。「將軍」施建梳粧樓及朝天閣、神殿、丹房，廟宇由是壯觀。按：天后宮廟建立者多，即莆田一邑已有平海、涵江、莆禧、黃石、吉了、白湖、聖墩、江口及城中之文峰宮、西巖等處，不可盡述。茲以湄洲爲后昇天之地，故獨詳焉考之。

附四：冊使顯應記（九則）

一、嘉靖十三年，冊使陳侃、高澄舟至姑米山發漏，呼禱得塞而濟。歸值颶風，桅檣俱折；忽有紅光燭舟，乃請筮起柁，又有蝶雀示象，冠服禱請立碑，風乃弛。還，請春秋祀典。

二、嘉靖四十年，冊使郭汝霖，李際春回閩曰，颶將發，有二雀集舟之異，及颶發，失柁，汝霖等爲文以告，風乃息；更置柁，一異鳥集桅不去。三、萬曆七年，冊使蕭崇業、謝杰針路舛錯，且柁葉失去；虔禱之次，俄有一燕一蜻蜓飛繞船左右，遂得易柁。

四、萬曆三十年，冊使夏子揚、王士楨舟過花瓶嶼，無風而浪；禱於神，得風順濟。歸舟柁索四斷，失柁者三，大桅亦折；水面忽見神燈，異雀來集，東風助順。

五、崇禎元年，冊使杜三策歸舟颶作，折柁牙數次，勒索皆斷。舟中有奇楠木高三尺，三策等捐千金購刻神像；俄有奇鳥集檣端，舟行若飛，一夜抵閩。

六、本朝康熙二年，冊使張學禮、王垓歸舶過姑米，颶作，桅左右欹，龍骨半折；忽有火光熒熒，霹靂起風雨中截斷仆桅，桅旋不止，勒索皆斷。禱神起桅，三禱三應；易繩下桅，有一鳥若雁，綠嘴紅足，集戰臺上；舟人喜曰：『天妃遣來引導也！』遂達定海。

七、康熙二十二年，冊使汪楫、林麟焄歸舟，颶三晝夜，舟上下傾反，水滿艙中；虔禱天妃，許請春秋祀典；桅箍斷而桅不散，頂繩斷而篷不落，與波上下，竟保無虞。

八、康熙五十八年，冊使海寶、徐葆光多用卯針，幾至落滌；虔禱得改由乙辰針，又筭許廿八日見山，果見葉堅；復禱得西北風，一夜抵港。歸舟至鳳尾山，旋風轉船，篷桅俱側；呼神，復正。至七星山，颶作，棹走，幾觸礁，呼神獲免。

九、乾隆廿一年，冊使全魁、周煌舟泊姑米候風，忽颶颶作，連三晝夜，棹繩盡斷，龍骨觸礁而折，底穿入水。呼籲之頃，衆見神火起於桅頂，焚招風旗而落；又海面燈光浮來若烟霧籠罩狀，船遂牢攔礁上，得不沉溺。

，以次獲救登岸。歸舟至石盤，阻霧不進；禱得見山。旣起棹，霧復合，風雨雷電交作，落帆葉不下，舟欹甚；再禱再霽，賴以安行。

附五：述異記（二則）

一、邇年有洋船失風，飄至一島，金光耀目，不能正視；抵岸，乃金山也。岸旁沙石皆紫金，同舟者甚喜，競持槌鑿取之。俄見山頂一人——金冠金甲、朱褪跣足舞劍而來，疾若飛，逼舟；衆懼，海舟素奉后，供瓣香求救。忽后降一客曰：『此金山之神也，汝等竊金，爲禍不小！今我來救汝。』即持槍登檣杪，命舟中鳴金鼓助戰，與神拒敵良久，神不能勝而去；舟無所損，遂免於厄。

二、海怪多作黑浪，浪中鬼物披髮登舟，舟人持兵器驅逐之；或出沒乘船，靈旗豹尾，天昏日慘，投以香餅或紙錢始沒。海鯨如駕奔濤撞舟，兩目如日，牙如山峰；或舟行入蜃氣中，樓閣城市宛然；陰翳白日忽雨，多至壞船。舟人叩請天后，降神見星，星如流火集帆檣上，呼吸之間，百靈咸集，澄波一色，水平如鏡，共相慶幸得免沉溺矣。

附六：汪冊使靈異記（二則）

一、汪楫錄有神異一條：康熙廿年九月十四日黎明，夢與同官喬萊登一山瞻仰，有碧霞元君廟，疑爲泰山神，下拜；神衣飾如妃后，命坐，辭，神曰：『公操人爵之柄，坐宜也。』因坐；已復賜食一器。覺以告萊。廿一年元旦，謁關帝，得籤詩有：「一紙官書火速催，扁舟東下浪如雷」句；三月，與「中書」林麟煊同充冊封琉球國使，蓋林字「石萊」，喬字「石林」，乃知夢與籤詩莫非預定。獨疑與泰山神無涉；行次杭州，楫時方疏請諭祭天妃，及登吳山謁天妃宮，見旛書「碧霞元君」，越日，於孩兒巷得天妃經一書，詳書歷代封號，始知崇禎十三年加封碧霞元君；示夢者蓋即天后也。

二、使臣登舟必先迎請天妃奉柁樓上，而以「拏公」從祀；拏公者，福建湄口人，嘗行賈，臥舟中，聞神語曰：『某日將行毒於某處，公謹伺之。』至期，果見一人拋毒物水中，公投水收取，盡食之，遂卒，以是面作靛色；後爲土神。明兵攻閩不即下，出牌誓曰：『入城不留一人！』公化爲耆老，進曰：『若改殺爲留，當獻城。』從，請以水燈爲號；時荻蘆門水深不設

備，而居民以神誕日放燈於此，明兵望燈入，公擁沙助之，遂克城；果不殺一人。後以功封「護國天下兵馬司」「協佑尊王」。海船必奉之者，以海上多礁霧，專藉神力導引云。臣周煌亦循例奉迎香火上船，姑米之險、石塘之霧，神實有靈焉。（按：「冊使顯應記」作「石盤」，石盤與石塘兩者未知孰是。）因詳訪閩人，云：『公實卜姓，以業拏舟，爲神故稱「拏公」。』今各省藩「司庫神」皆明時命以「公」主之，故人亦多奉爲「財神」。

附七：莆田令顯應記（二則）

一、國朝乾隆丙午，臺灣林爽文作亂，均奉委隨福公相東渡，生擒林逆；丁未五月，凱旋內渡，舟行四日，時將晚，已望見大旦門矣，舟子曰：『日將夕，未可入口，請寄棹，明早再進。』公曰：『已望見廈門，尙欲在海中飄蕩一夜耶！』下令進口。其時已近黃昏，清風徐來，舟乃旁行，頃刻，晦暗不知所向；舟人大恐，乃下二棹，舟竟不停，舉船皆惶懼。正在危急間，舟子忽喜曰：『前有火光，媽祖來也！』衆前望，隱約之中，如有人坐小舟中，以火刀擊石，碎火四出；舟子曰：『速轉舵向火行！』一瞬息而舟已

進口矣。自古渡臺未有夜進大旦門者，蓋門邊多石，夜行難以趨避故耳。公相大悅，即時發岸，次晨至天后宮進香，許願在京師蓋媽祖廟云。

二、國朝乾隆丁未冬，福公相總督閩浙，因海賊林明灼率匪船十餘隻在浙閩洋面行劫，商旅患之。公相飭兩省舟師圍捕，知舟師未肯出力，特派均同 守備 鄭玉楷二人率兵五百駕，商船十隻 出洋督緝，兼令查舟師之勤惰而密報焉。均與守備鄭玉楷同日出洋，首先拏獲大盜陳開開一名解省，公相大閱，批稟獎勵。均等在海上搜捕，一日下午，舟人曰：『天太暖，恐夜間有風；現已望見斗米，應收澳。』正言間，忽大霧彌漫，四望不見，不能收澳；時已將暮，轉開出外洋以定南針。向東行二寸香，又向西行，如此往返，舟如顛簸；夜深風愈大，時約三更，舟子在天后座前燒香，大驚曰：『媽祖去矣！』頃刻，香火延燒座前紅綵，舉船皆大驚；而風浪更巨，忽報篷下水矣！又報桅損矣！又聞大響一聲，舟子哭曰：『舵出門矣！』船全賴舵，而舵又賴肚帶以繫之，今肚帶斷而舵出門，船不能主，聽死而已！其時，兵丁中有名番仔者能下水，舟子曰：『如伊下水能將肚帶按好，亦萬死之一』

生也。』因喚番仔告以故，並厚賞之；番仔曰：『此時要錢何用！同一死也，不過要我先死，我願先死，諸人苟能不死，善視我妻子可也！』遂慨然脫衣下水。去約有一更次，忽聞舵工曰：『舵上有人聲，豈番仔來耶！』乃放索繫其上船，番仔怒曰：『我爲汝一船百餘人性命下水，汝等乃不我接應耶？』衆唯唯，遜謝之。舵工即令人收船頭小輪；良久，又大響一聲，衆驚，以爲船破，舟人曰：『其聲似舵歸門，非破也！』乃執火焚香大喜，曰：『媽祖來矣！』均問：『汝何以知之？』曰：『來，試視之。』均匍匐而往，見神像滿面汗珠流下，均驚駭伏地，其時風浪尙大，舟子曰：『媽祖來，且毋恐！』乃以二錢在神前卜曰：『向東去，神當助我！』乃令舵工轉舵向東，水聲盈耳，語不聞聲；約一時許，天將明，舟人上桅頂遙望，曰：『已見羅湖澳，可速行！』不多時，舟忽屹然不動，方驚訝間，舟子笑曰：『已進口，在沙上擱淺矣。』均乃出艙登岸。其餘九船亦相繼而至，衆相慶焉。徧看船上，無一物不損，而船竟無恙；即時登岸覓船匠修整器具。仍與鄭守戎分船出洋，抵白犬，賊船望見斬桅而逃；我船尾追至磁澳，賊船冲礁登山，我

兵分頭往捕，獲賊五十餘名，即回五虎門；而公相已先五日赴粵，督兵安南矣。此一役也，遇霧之夜，聖像汗流，神佑彰彰，均親目所見，是以終身敬奉弗敢懈云。

嘉慶庚午春，均轉餉入都，舟過清江，敬詣天后宮拈香，本廟道士問天后出身及家鄉、事蹟，均訝曰：『本廟奉敕建立，於今多年，何誌書竟未之見耶？』道士曰：『豈但道士未見，即往來大人先生，偶然言及亦下問於道士，而道士茫無以對。』均即於神前焚香，發心許願歸去刷印誌書一百部，寄奉廟中，囑道士分送往來士大夫披覽，俾得知神靈普濟，且廣見聞也。福建興化府莆田縣 知縣候選同知軍功世襲恩騎尉廣寧 張均 謹誌。

附八：蘇總兵靈應事

簡放福建漳州鎮總兵官鑲白旗蒙古英保佐領下蘇勒芳阿，前因入覲丹墀，仰蒙天訓，奉命南旋，於庚辰荷月，下浣舟抵天妃閣，時河流橫急，船隻被冲旁倒，幸得履險如夷，悉賴天后聖母神靈默佑。回念神功，敬謹捐刷「天后顯迹」誌書百部施送，以昭靈貺云爾。

附九：跋 一

按：天后志書不一，有敕封志、顯聖錄、顯應錄、昭應錄、述異記，要皆各就所見以記其事，自乾隆戊戌圖誌全集之書成，而天下皆奉爲善本矣。第流傳日廣，翻刻日多，若不慎爲校正，恐滋承訛之誚。

舊本聖蹟圖自大士賜丸至春秋崇祀，凡四十八圖，以下三圖係道光年間上洋壽恩堂增入。咸豐丁未，乍川陳氏立願重梓其板；旋遭兵燹。同治乙丑，武彝潘、邱二氏復經翻刻，板存閩中建群會館。今同人以刷印未便，謀爲重刊；先屬孫孝廉承謨參閱，並增入金、柳二將軍封號、奏片及汪委員靈應記；茲復爲編次刪定，因序而付之梓。梓成，並書緣起於後。

蛟川 周巨漣

跋 二

原本天后敕封志、顯應錄、昭應錄刻板俱存福建興化，而江浙二省未見善板；況原本亦屬少見。今虔誠繪像，并里居古蹟繪圖敬刻。又靈筓、聖籤及道光六年加封事實，一併補刻，名之曰「天后聖母聖蹟圖誌」，幸望貴商

、船主發心許願敬印天后聖母聖蹟圖誌，佈送各省，流傳廣大，功德無量。但船在海洋許願只知敬戲，而敬戲一日之誠，敬送是書顯彰聖蹟，綿傳百世之功，較之敬戲勝萬倍也；信心高明善志必以爲然者也。

聖蹟圖誌板存於浙西木商，毀於兵燹，顧后之靈顯何與於是書？而奉后者究不可無是書，脫不踵而梓之，將窮鄉僻壤曷以知神靈之歷久彌彰、封典之有加無已耶！浙商爰取舊本，校其訛字付之剞劂，寄板於閩之安瀾會館，俾奉祀者資印訂焉。

同治庚午孟夏

鎮海 孫承謨 敬識

天妃顯聖錄

序

歷朝顯聖褒封 (共二十四命)

歷朝褒封致祭詔誥

第一章 天妃誕降本傳

第二章 窺井得符

第三章 機上救親

第四章 化草渡商

第五章 棠甲天成

第六章 掛席泛槎

第七章 鐵馬渡江

第八章 禱雨濟民

第九章 降伏二神

第十章 龍王來朝

第十一章 收伏晏公

四一 第十二章 靈符回生

四二 第十三章 伏高里鬼

四三 第十四章 奉旨鎖龍

四四 第十五章 斷橋觀風

四五 第十六章 收伏嘉應、嘉祐

四六 第十七章 湄山飛昇

四七 第十八章 顯夢闢地

四八 第十九章 禱神起棹

四九 第二十章 枯楂顯聖

五〇 第二十一章 銅炉溯流

五一 第二十二章 朱衣著靈

五二 第二十三章 聖泉救疫

五三 第二十四章 托夢建廟

五四 第二十五章 溫台勦寇

第廿六章	救旱進爵……………	七八	第四章	夢示陳指揮全勝……………	八五
第廿七章	甌閩救潦……………	七八	第二章	助戰破蠻……………	八六
第廿八章	平大奚寇……………	七八	第二章	東海護內使張源……………	八七
第廿九章	一家榮封……………	七九	第四章	琉球救太監柴山……………	八七
第卅章	紫金山助戰……………	七九	第五章	庇太監楊洪使諸番八國……………	八八
第卅一章	助擒周六四……………	八〇	第六章	托夢除奸……………	八九
第卅二章	錢塘助堤……………	八〇	第七章	粧樓謝過……………	八九
第卅三章	拯興泉饑……………	八一	第八章	清朝助順加封……………	九〇
第卅四章	火燒陳長五……………	八一	第九章	起蓋鐘鼓樓及山門……………	九〇
第卅五章	怒濤濟溺……………	八二	第十章	大關宮殿……………	九〇
第卅六章	神助漕運……………	八三	第一章	托夢護舟……………	九二
第卅七章	擁浪濟舟……………	八三	第二章	湧泉給師……………	九二
第卅八章	藥救呂德……………	八四	第三章	燈光引護舟人……………	九四
第卅九章	廣州救太監鄭和……………	八五	第四章	澎湖神助得捷……………	九五
第四十章	舊港戮寇……………	八五	第五章	琉球陰護冊使……………	九六

天妃顯聖錄

序 一

嘗聞天下名山大川之勝，每多精華發越之奇，蓋地靈所鍾，無非生聖人以興政設教，而居君師之任，則生神人以理陽治陰，而弘天地之化，此理之常，有必然者。

吾莆之外島有湄洲，屹立大海中一孤嶼也，浩浩潏潏，吞吐日月，山峯巖以浮青，石巉峩而映紫，而天妃薰修於其間，豈非山川之精華所發越者乎！

考諸譜載：天妃，吾宗 都巡 愿公之女也，誕降於有宋建隆元年，生而靈異，少而穎慧，長而神化；湄山上白日飛昇，相傳謂大士轉身——其救世利人扶危濟險之靈與慈航寶筏度一切苦厄，均屬慈悲至性，得無大士之遞變遞現於人間乎！自宋興以來，威靈昭赫，有禱必應，歷世彌遠聖德彌彰，而神功廣大尤著於江淮河海之中——上爲國家保衛轉輸，下爲生民拯扶陷溺，於是外國之艤、上運之艇，賈舸朝泛，漁舟晚渡，凌海國而無波，泊天涯

而若路；即有危瀑、驚飈，顛連呼吸，舟人望空號祝，神妃閃忽遙臨，或香聞座次，或火耀桅頂，則萬疊狂濤一葦飛渡帖若安瀾，使東南澤國之以海爲田者，得與中州沃壤之民並較桑麻，同遊化日，神之功大矣！著矣！亘古今不可少矣！故累代錫命寵頒，褒封渚錫，湄山宮殿皆奉天朝遣官創建，迄於今，璇宮壯麗，寶樹披離，梳樓指旭日以迎曦，朝天閣干雲霄而直上；噫！異矣！

夫 上古有功德在國家者皆登祀典，況天妃秉坤儀司水德，輔國庇民之功著於百世，則謂神之靈爽，直與經天之日月，行地之江河，運乾坤而不息可也。

余自京師歸，偶於案頭得顯聖錄一編，捧而讀，不覺悚然而起曰：『天妃之英靈昭著有如是乎！』余忝列秩宗，三禮是司，異日肇舉祀典，望秩山川，奉匕鬯以祝神庥，佐我國家億萬年無疆之治，余將有厚望焉。惜乎！顯聖一錄尙多闕略，姑盪手而爲之序，以俟後之采輯而梓傳。

賜進士第榮祿大夫太子太保禮部尙書兼翰林院學士裔姪孫堯俞薰沐拜題

序 二

涓涓天妃之神自宋迄今垂八百載，歷著靈蹟，應輯錄有書；茲僧照乘刻而傳之。夫書以傳信也，而神之信固不待書也；古來所傳紀實之書多矣，其描寫詭誕傑特，令人讀之愕焉、怪焉，而且疑焉，疑者何？異之也。神異蹟不一，吾以爲無可疑——夫天下變怪莫過於海，今揚帆而來者，自上朝紳，下至賈鬻，靡不瞻拜璇宮，齋心祇奉，以出入於蜃樓鼃穴之間，即或陰風怒號、檣傾楫摧、寄命頃刻，雖上天濟物之意且幾乎窮，而神靈所庇，如見其形，如聞其聲，百禱百應，遂能轉駭浪爲安流，凌汪洋若枕席，舉人世所詫異不經見之事，皆可恃之以爲常，又何疑乎！

雖然，福善禍淫天固不爽，而善□之靈神亦弗昧，今使天下瞻拜之倫肅邀神貺，而違心悖義之輩復無指摘，則人將狃，狃則玩，玩則邪辟之萌又不可遏息，則一二示警者正所以堅善信之心耳。故至誠感神，理有必然，響應之靈，實不可度，不可射之妙，諸如呼吸可通光風倏忽者，誠有所攜，神機亘出，驚愕意外，非他紀異之所爲怪誕者比也；則是書之傳又何疑焉。

前賜進士第通議大夫禮部左侍郎兼翰林院侍讀學士 黃起有 薰沐拜題

序 三

四四

涇洲天妃吾有林氏唐邵州刺史公九世女孫也，林族俱出自唐明經擢第太子詹事上柱國 披公後，則妃之高曾余諸祖也。際五季擾攘之秋，以曾祖棄官歸隱，厥後移居海之濱，妃自是誕焉。今世祀祖祠尚在，予過而瞻拜之；遷界後梓里丘墟、廟宇圯壞，因遣工置木石整造之矣。粵聞神妃顯著，所傳軼事傳奇，未有不令人駭聽而疑其說之誕者耳！

近奉冊命而渡滄溟，南望煙波茫無津畔；爾時夏汛已過，不便放舟，廼於怡山院諭祭；祝告甫畢，風颺忽而北轉，頗覺默有神助，遂決意解纜而行；乘風破浪，鼓棹中流，雲水低連，上下無際，置身蒼茫之中，竊以爲風濤阻絕，屈指屆期，殆未可以日月計，且云水道極其艱虞。余素不諳臨深履險，縱一葦之所如，向不見殊礁怪移之慮，瞬息千里，纔二三晝夜，徑到其處，彼處人臣莫不以爲長江天塹飛渡而下。斯蓋見佑於默默中而弗覺焉者乎！

逮夫典禮事竣，方圖返棹而狂瀾湧，澎湃稽天，檣撼舟橫，桅桿爲之斷裂，震盪淅淅，四無足峙，頃忽間，十無一全之勢；舟中人咸謂：『惟禱

神可以無咎。』果爾一祝，而傾者少安，裂且不壞。然而淼淼巨浸奔蹴却迷天日，夜來帆影浮沉，幾不知所稅駕。不意昏黑飄泊之頃，恍有二火光熠熠桅艫之前，私幸有赫神靈於昭於天，差可藉以無恙，因而隨波翌駛，輕舟已過萬重。異哉！其不著如斯乎。

奇感殊應，孰不稱神，孰不疑誕？苟非處身變現之景，安知英光之昭灼如是其離離也！又安信紀錄之傳載如是其歷歷弗誣也！八百載靈慈，於今爲烈，利濟詎不大哉！

今者奉諭旨榮賜——特隆春秋肆祀盛典，以答鴻庥；夫豈過舉！是而爲之序。

賜進士出身戶部江南清吏司主事前內閣中書舍人加一級辛酉順天同試官奉命冊封琉球賜蟒玉加正一品族孫麟煊沐拜識

歷朝顯聖褒封（共二十四命）

宋徽宗宣和四年，給事中允迪路公使高麗，感神功，奏上，賜「順濟」廟額。

高宗紹興二十五年封「崇福夫人」。二十六年封「靈惠夫人」。三十年加封「靈惠昭應夫人」。

孝宗淳熙十年，以溫、台勦寇有功，封「靈慈昭應崇善福利夫人」。

光宗紹熙元年，以救旱大功褒封，進爵「靈惠妃」。

寧宗慶元四年加封「助順」。六年，朝廷以神妃護國庇民大功，追封一家。開禧改元，以淮甸退敵奇功，加封「顯衛」。嘉定改元，以救旱並擒賊神助，加封「護國助順嘉應英烈妃」。

理宗寶祐改元，以濟興泉饑，加封「靈惠助順嘉應英烈協正妃」。三年，以神祐，加封「靈惠助順嘉應慈濟妃」。四年，以錢塘堤成有功，加封「靈惠協正嘉應善慶妃」。開慶改元，以火焚強寇有功，進封「顯濟妃」。

元世祖至元十八年，以庇護漕運，封「護國明著天妃」。二十六年，以海運藉佑，加封「顯佑」。

成宗大德三年，以庇護漕運，加封「輔聖庇民」。

仁宗延祐元年，以漕運遭風得助，加封「廣濟」。

文宗天曆二年，以怒濤拯溺，加封「護國輔聖庇民顯佑廣濟靈感助順福惠徽烈明著天妃」，遣官致祭天下各廟。

文宗至順元年，賜「靈慈」廟額。

皇明太祖洪武五年，以神功顯靈，勅封「昭孝純正孚濟感應聖妃」。

成祖永樂七年，以神屢有護、助大功，加封「護國庇民妙靈昭應弘仁普濟天妃」，建廟都城外，額曰：「弘仁普濟天妃之宮」。

宣宗宣德五年、六年，以出使諸番得庇，俱遣太監並京官及本府、縣官員詣湄嶼致祭，脩整廟宇。

毅宗崇禎十三年，加封「碧霞元君」。

皇清康熙十九年，將軍萬以征勦廈門得神陰助取捷，並使遠近，具本奏上，敕封「護國庇民妙靈昭應弘仁普濟天妃」。二十三年，琉球冊使汪以「水道危險，荷神護佑」復命，奏請春秋祀典。又將軍侯施，以「澎湖得捷，默叨神助」奏請加封；俱差官賞香帛、詔誥到湄褒嘉致祭。

高宗乾隆二年，晉封「護國庇民妙靈昭應弘仁普濟福佑群生天后」。廿二年，加封「誠感咸孚」。五十三年，加封「顯神贊明」。

歷朝褒封致祭詔誥

宋光宗紹熙元年加封「靈惠妃」詔 奉天承運皇帝詔曰：『古今崇祀

岳瀆、懷柔百神，禮所不廢，至於有功國家有裨民社者，報當異數。靈慈福利夫人林氏，靈明丕著，惠澤亶敷，累有禦災捍患之助，今見救旱恤民之德，參贊既弘，爵寵應尊；茲特進封爲「靈惠妃」。秩視海嶽之崇，典敘春秋之重，尙其服茲徽命，以懋鴻庥於勿替。欽哉。』

元世祖至元十八年封「護國明著天妃」詔 制曰：『惟昔有國，祀爲大

事，自有虞望秩而下，海嶽之祀日致崇極。朕恭承天休奄有四海，粵若稽古咸秩無文；惟爾有神保護海道，舟師漕運恃神爲命，威靈赫耀，應驗昭彰；自混一以來，未遑封爵，有司奏請，禮亦宜之，今遣正奉大夫宣慰使左副都元帥兼福建道市舶提舉蒲師文冊爾爲「護國明著天妃」。於戲！捍患禦災功載祀典，輔相之功甚大，追崇之禮宜優，爾其服茲新命，以孚佑我黎民、陰相我國家，則神之享祀有榮，永世無極矣！』

世祖至元二十六年加封「顯佑」詔 制曰：『惠澤調雨暘之序，鎮四

海而保無虞，祥光映風浪之區，護歲漕而克有濟，忠貞衛國，慈惠寧民。先朝已著於綸褰，今日宜申其寵命，益旌徽號，允協僉言。元祀報功，獨超天極之貴，水行受職，永贊皇運之昌，祇服徽恩，懋弘寵貺，可嘉封「顯佑」。

成宗大德三年加封「輔聖庇民」詔 制曰：『利涉洪波，顯造化難名之德，尊崇懿號，傳神明不朽之榮，申錫寵章，亶爲殊典。』

仁宗延祐元年加封「廣濟」詔 制曰：『愛人利物，仁克著於重溟，崇德報功，禮宜崇乎異數，肆頒綸命，用舉隆儀。護國明著天妃林氏，聰明通達，道心善利，當臨危履險之際，有轉禍爲福之方——祥飈迭馭，曾聞瞬息，危檣出入，屢見神光；有感即通，無遠弗屆，願東南之漕運，實左右之憑依，不有褒恩，曷彰聖跡！於戲！爵以馭貴，宜宣懿號之加，海不揚波，尙冀太平之助，可加封「護國庇民廣濟明著天妃」。』

文宗天曆二年加封「徽烈」詔 制曰：『陰陽不測，惟神克盡燮理之道，河山永定，在國尤資轉運之功，故祀典所載莫重於懷柔，聖蹟所彰當加於崇奉；茲覽外廷之奏，允惟漕運之艱，不有護持曷臻浮達！護國明著天妃

天地鍾靈、山川炳慧，風轉舵摧，屢救吾民之厄，火流水淨常全藩舶之危；至於嘆浸之失時，莫不禱祠而請命；其禦大災捍大患也若此，則德懋官功懋賞也宜之，爰極徽稱，竄爲異數，於戲！褒封二十字鴻號聿隆，允有無窮之譽，廟食億萬年龍光孔煥，尙其永孚于休！弘闡靈慈，益奉寵貺，可封「護國輔聖庇民顯祐廣濟靈感動順福惠徽烈明著天妃。」」

天曆二年八月己丑朔日「祭直沽廟文」

曰：『國家以漕運爲重事，

海漕以神力爲司命，今歲兩運咸藉匡扶，江海無風濤之虞，朝野有盈寧之慶；帝用欽嘉，謹遣使者奉香仰答靈貺，惟億萬年神永保之。』

十六日甲辰「祭淮安廟文」

曰：『轉運資於溟海，積貯重於京師；

乘風駕浪，神明是司，裕國足民，朝廷攸賴。臣叩命詣淮之廟，恭進御香，以報以祈，惟神鑒格，尙申佑之！』

癸丑「祭平江廟文」

曰：『至廣者海也，海之大百川會焉；至正者

神也，神之命百靈聽焉。惟國之本資於食而歲之運浮於海，旣歷溟渤之中，常有風波之險，今茲運艘接舳而來，微神陰相將奚致焉？謹潔牲醴、備樂舞

，以答明賜，惟神居歆，永保無斃！」

乙卯「祭崑山廟文」

曰：『姑蘇之濱，太倉之口，運道所繇出也；

浮江涉海衝風而擊浪也，怒濤狂瀾鯨吸而鰲擲也，萬里澎湃險不可測也。巍巍聖妃臨下有赫也，望洋不驚風波以息也，春夏所輸咸運於京，實靈貺也！奉命禋祀報明德也，神之保之長無極也！』

丁巳「祭露漕廟文」

曰：『三江控東南之會，春艗夏舶，雲集轉輸

，聖神臨之濟險拯危，實國家之所式憑，而官民之所仰賴也。今歲漕運風瀾恹然，護國之功著於百世，謹奉香展牲，庸申昭謝，尙冀靈爽垂休無極。』

甲子「祭杭州廟文」

曰：『杭爲大藩，財賦所聚，國計之重倚於東

南，今茲物運咸利攸往；長江息浪，萬橋雲集，大海安瀾，永資粒食，神之相之，厥勳炳焉。景貺既渥，福祿是綏，巍巍廟庭，牲荐孔碩；用崇明典，與國咸休。』

丁卯「祭越廟文」

曰：『於越之域，外負大海，三江東注，運道所

經，惟神眷佑，赫赫顯應——弘開慈惠，濟我糧漕，萬里一息，靜無風濤。徽烈茂昭，天地同功，何以報賜？恭獻瓊漿，自今伊始，歲其清晏，萬世無

疆。』

壬申「祭慶元廟文」

日：『浙東水郡，襟江帶海，漕道遠涉，萬里波濤。神妃降鑒，丕著弘功，息偃狂飈，迅掃妖氛，轉運咸利，國儲充盈。永頌明德，百世揚休。』

己丑「祭臺洲廟文」

日：『洪維天妃，自天降臨，功侔化育，德配玄穹；瀚海安瀾，風帆順飛，弗驚弗震，是憑是依，惟茲運道，實賴扶持。恭承帝命，報答靈威，佑我邦家，永膺多福。』

甲午「祭永嘉廟文」

日：『國家積貯，海運爲重，春秋轉輸，風波不測，乃凌大海而安瀾，涉長江而飛渡，神所以衛之者，厥功弘矣！特遣臣奉香禱祀，惟靈惟聖，其永敷慈惠，以勵相我國家！』

辛丑「祭延平廟文」

日：『劍之水兮潺湲，涉長溪兮汪洋；峙靈宮兮在上，鎮海嶽兮瑤壇，繽紛兮羽旄，細縕兮天香。海不揚波兮安流。飄祥颺兮引舟，徼大惠兮罔極，濟我漕兮無憂。望白雲兮天際，乘彩鸞兮悠悠。獻瓊觴兮式歌且舞，作神主兮永鎮千秋。』

己巳「祭閩宮文」

曰：『朝廷歲遣使奉香靈慈之廟，以答明賜，今

春逮夏，漕舟安流悉達京師，其護國之功，庇民之德，莫甚於此。是用瞻禮閩宮吉蠲荐羞，惟神昭格，佑我皇運，以宏天休。』

丁未「祭莆田白湖廟文」

曰：『天開皇元，以海爲漕，降神於莆，

實司運道，願相王家，弘濟兆民，盛烈休光，終古不滅。特遣臣虔修祀事，承茲休命，永錫嘉祉，於斯萬年百祿是宜。』

戊申「祭湄洲廟文」

曰：『惟乾坤英淑之氣，鬱積扶輿，以篤生大

聖，炳靈於湄洲，爲天地廣覆載之恩，爲國家弘治平之化，特命臣恭詣溟島，虔修歲祀，秩視海嶽，光揚今古。於戲！休哉。』

癸丑「祭泉州廟文」

曰：『聖德秉坤極，閩南始發祥，飛昇騰玉輦

，變現藹天香。海外風濤靜，寰中麟鳳翔，民生資保賜，帝室藉助勳。萬載歌清宴，昭格殊未央。』

皇明太祖高皇帝洪武五年壬子正月，勅封「昭孝純正孚濟感應聖妃」，遣官貤祭御祭文 奉天承運皇帝制曰：『國家崇報神功，郊社旅望而外，

非有護國庇民豐功峻德者弗登春秋之典，明著天妃林氏，毓秀陰精，鍾英水德，在歷紀既聞禦災捍患之靈，於今時尙懋出險持危之績，有裨朝野，應享明煙。朕臨御以來未及褒獎，茲特遣官馳詔封爲「昭孝純正孚濟感應聖妃」，其服斯徽命宏佐休光，俾清晏式觀作覲之隆，康阜永著赫濯之賜。欽哉！」

成祖永樂七年，欽差太監鄭和往西洋，水途適遇狂飈，禱神求庇遂得全安歸。奏上，奉旨差官致祭，賞其族孫寶鈔各五百貫。本年又差內官張悅、賀慶送勃泥國王回，舟中危急，禱神無恙。歸奏，奉旨差官致祭。本年又差內官尹璋往榜葛刺國公幹，水道多虞，祝禱各有顯應。回朝其奏，聖上以神功浩大，重裨國家，遣太監鄭和、太常寺卿朱焯馳傳詣湄山致祭，加封「護國庇民妙靈昭應弘仁普濟天妃」。奉天承運皇帝制曰：『惟昭孝純正聖妃林氏，粹和靈惠，毓秀坤元，德配蒼穹，功參玄造，江海之大，惟神所司，佑國庇民，夙彰顯應。自朕臨御以來，屢遣使諸番及餽運糧餉，經涉水道，賴神之靈，保衛匡扶——飛颺翼送，神光導迎，歟忽感通，捷於影響；所以往來之際，悉得安康。神之功德，著在天壤，必有褒

崇，以答靈貺，茲特加封「護國庇民妙靈昭應弘仁普濟天妃」，仍建廟於都城外，賜額曰「弘仁普濟天妃之宮」。爰遣人以牲醴饌饒致祭，惟神其鑒之！」

永樂十三年，欽差內官 甘泉送榜葛刺國王，海中危急，禱祝獲安，詣廟致祭。

永樂十三年，欽差內官 往榜葛刺國；往來危懼，祈禱屢助顯應，奉旨詣廟致祭。十一月 委內官張源到廟御祭一壇。

永樂十五年，欽差內官王貴通、莫信、周福率領千戶 彭祐、百戶 韓翊並道士詣廟，修設開洋清醮。

永樂十六年，又差內官 張謙到廟御祭，着本府官員陪祭。

宣宗宣德五年，欽差 太監楊洪等出使諸外國；神功加佑，風波無虞，特遣官祭告。制曰：『惟妙靈昭應天妃林氏，嵩嶽孕靈，巽坤合體，嘯風吸雨，統江淮河海之宗，佑國庇民，濟天地東南之險，適承水德乃亮玄工，海不揚波維爾嘉績，朕式欽焉。茲特虔修牲醴，遣官祭告，神其鑒臨！尙饗！』

宣德六年，欽差正使太監 鄭和領興平二衛千百戶，並府縣官員，買

辦木石修整廟宇，並御祭一壇。

制曰：『茲遣鄭和等道涉江海，往返諸

番，惟遣有靈，默加佑助，俾風波無虞、人船利涉，浮達之際，咸賴底綏。特以牲醴祭告，神其饗諸！』

康熙十九年，神助萬將軍克敵廈門；奏上，欽差禮部員外郎 辛保等
賁香帛詔誥加封致祭。 奉天承運皇帝制曰：『國家懷柔百神，式隆祀典

，海嶽之祭，罔有弗虔；若乃明祇效靈示天心之助順，滄波協應表地紀之安流，聿弘震疊之威，克贊聲靈之渥，豈繫人力？實惟神庥，不有褒稱曷彰偉伐，維神鍾奇海徼，綏奠閩疆，有宋來累昭靈異。頃者島氛不靖，天討用張，粵自禡牙以逮奏凱，歷波濤之重險，如枕席以過師，潮汐無虞，師徒競奮，風颺忽轉，士氣倍增，殲鯨鯢於崇朝，成貔貅之三捷。神威有赫，顯號宜加，特封爾爲「護國庇民妙靈昭應弘仁普濟天妃」，載諸祀典。神其佑我兆民永著安瀾之績，眷茲景命益昭重潤之休！敬遣禮官往修祀事，維神鑒之！』

琉球正使 汪、林等題爲聖德與神庥等事：『臣等一介小儒，遭逢聖主，特允會推遣使海外；臨軒天語如典如謨，臣等凜遵訓誨，恭捧御覽詔勅

及諭祭文三道，星馳赴閩，於二十二年六月二十日諭祭海神天妃於怡山院。是時東風正猛，群言夏汛已過，未易開洋；乃行禮甫畢，風聲忽轉，柁樓旌旗盡皆北向；臣等知屬天妃示異，決計放舟。二十三日辰刻，遂出五虎門。過東沙山，一望茫茫，更無山影，日則雙魚引道，夜則萬鳥廻翔，助順效靈不可殫述。以海道考之。廿四日當過小琉球、花瓶嶼、雞籠、淡水諸山；而是日辰刻已過彭佳山，酉刻已過釣魚嶼，不知諸山何時飛越。廿五日應見黃尾嶼，不知何以遂踰赤嶼。廿六日夜見姑米山，又不知何以遂至馬齒山。此時琉球接封之陪臣唯恐突如出境，彼國無所措手，再拜懇求暫泊澳中，容其馳報；乃落篷而篷不得下、拋橈而橈不可留，瞬息已入琉球之那霸港，直達迎恩亭前矣；時方辰刻，距開洋三晝夜耳！臣等未經蹈險，視等尋常，而彼國臣民莫不相看咋舌，群言：「自古迄今未有神速如此者。」共稱聖人在上，海不揚波，則聖人在上，海可飛渡。遠人駭嘆如此，臣不敢不據實奏聞。至於貧瘠小邦常苦風旱，乃者典禮既竣，甘雨如傾，颶風不作，群欣足食。凡此天澤之應何非聖德之感！洵足流光史冊，焜耀千秋者也。臣等潔己勵衆

，幸免愆尤，冬汛歸舟還思利涉，而其時御筆詔勅盡留海邦，百神呵護不可復翼，風濤震撼，浪與天高，掀嵌無已，人皆顛覆；臣等當百死一生之際，惟有忠誠，自信必無他虞；烟灶盡委逝波，無由得窺彼岸，於是肅將簡命，共籲天妃謂：「神既受封聖朝，自應佑臣返節，如其獲濟，當爲神乞春秋祀典，永載皇恩。」虔禱方終，神應如響——於時東桅之鐵箍已斷十三，而桅不散，繫篷之頂繩一斷，不可復續，而篷不墮，桅前之金栓裂踰尺，而船不壞；有此三異，可歎神功。伏乞敕下禮臣，議舉春秋二祭，着地方官敬肅奉行，則海疆盡沐神庥、履坦無非聖澤矣！伏乞睿鑒施行！」奉旨：『該部議奏。』

靖海將軍侯福建提督 施，爲神靈顯助破逆，請乞皇恩崇加勅封事：『竊照救民伐暴示天威之震揚，輔德效靈見神明之呵護，閩之湄洲島有歷代勅封天妃，往來舟楫每遇風濤險阻，呼之獲安，前 提督 萬曾經題請勅封。臣奉命征勦臺灣，康熙廿一年十一月師次平海澳——澳離湄洲水道二十里許，有天妃廟，緣遷界圯毀，僅遺數椽可蔽神像，臣因稍爲整掃以安神。廟左有一井，距海數武，蹠止丈餘，蕪穢不治。臣駐師其間，時適天旱七月餘，

該地方人民咸稱：「往常雨順井水已不能供百口，今際此愆陽又何能資大師所需？」臣遣人淘浚，泉忽大湧，自廿一年十一月至次年之三月，晝夜用汲不竭，供四萬衆裕如也。此皆皇上峻德格天，使神功利我行師也；臣乃立石井旁，額之曰「師泉」，以誌萬古不朽；且率各鎮營弁捐俸重建廟宇。及康熙廿二年六月十六、廿二等日，臣在澎湖破敵，將士咸謂：「恍見天妃，如在其上，如在左右。」而平海之人俱見天妃神像是白衣袍盡濕，與其左右二神將兩手起泡，觀者如市；知爲天妃助戰致然也。又先於六月十八夜，臣標署左營千總 劉春夢天妃告之曰：「廿一日必得澎湖，七月可得臺灣。」果於廿二日澎湖克捷，七月初旬內臺灣遂傾島投誠，其應如響。且澎湖八罩、虎，在大海之中，井泉甚少，供水有限，自臣統師到彼，每於潮退就海次坡中扒開尺許，俱有淡水可餐，從未嘗有；及臣進師臺灣，彼地之淡水遂無矣。均由我皇上至仁上達昊蒼，故無往而不得神庥，俾臣克底成功，非特賜顯號無以揚幽贊之美、彰有赫之靈，臣擬於班師敘功之日，一起題請加封，近接邸報：冊封 琉球正使 汪楫以聖德與神庥等事具題請封，因以其靈異詳

陳，伏乞皇上睿鑒勅封並議加封。』奉旨：『該部議奏。』部題：『遣官獻香帛讀文致祭，祭文由翰林院撰擬，香帛由太常寺備辦，臣部派出司官一員前往致祭。』康熙廿三年八月廿四日奉旨依議，欽差禮部郎中 雅虎等齎香帛到湄詣廟致祭。御祭文曰：『國家茂膺景命，懷柔百神，祀典具陳，罔不祇肅。若乃天休滋至，地紀爲之效靈，國威用張，海若於焉助順；屬三軍之奏凱，當專澤之安瀾，神所憑依，禮宜昭報。惟神鍾靈海表，綏奠閩疆，昔藉明威克襄偉績，業隆顯號禋享有加。比者慮窮島之未平，命大師之致討，時方憂旱，光澤爲枯，神實降祥，泉源驟湧，因之軍聲雷動，直搗荒陬、艦陣風行，竟趨巨險；靈旗下颭，助成破竹之功，陰甲排空，遂壯橫戈之勢。至於中山殊域，冊使遙臨，伏波不興，片帆飛渡，允茲冥佑，豈曰人謀！是用遣官敬修祀事，溪毛可荐，黍稷惟馨；神其佑我家邦，永著朝崇之戴，眷茲億兆，益弘利賴之功。惟神有靈，尙克鑒之！』

「福建水師提督藍」以康熙六十年光復臺灣，叨神顯助，至雍正四年，題請匾聯，文曰：『題爲神功顯著，仰懇睿鑒特加恩褒事——衍照顯靈効順具見盛世之徵祥，申錫追封彌彰聖朝之鉅典，閩省有湄洲屹立大海島嶼中，

建廟宇崇祀天妃寶像，其英靈昭著、歷代褒封，昭然可考；迨我朝康熙十九年，佑助前提督 臣萬正色光復金、厦兩島，廿二年，佑相前靖海將軍

臣施琅奏捷澎、臺，種種靈應，護國庇民，俱蒙聖祖仁皇帝覽奏勅封、欽差致祭，特隆祀典。緣厦島、臺灣二處俱屬閩海要地，各有創建廟宇供奉天妃寶像。仰賴神庥，六十年臺匪倡亂，臣同前任提臣施世驃，親統水陸官兵配駕商哨船隻前往討逆，維持六月興師，各士卒感佩聖祖仁皇帝深仁厚澤，踴躍應命，但恐頻發颶颶，因而致祝垂庇，果荷默相波恬浪息。且凡大師所到，各處井枯，甘泉倏爾騰沸，足供食用。再如六月十六日午，臣等督師攻進鹿耳門，光復安平鎮，正及退潮之際，海水加漲六尺；又有風伯效順，俾各舟師毋庸循照招路魚貫而行，群擠直入。至十七、十九等日會師，在七崑身血戰殺賊，時值炎蒸酷暑，其地處在海中，乃係鹽潮漲退之所，萬軍苦渴異常；臣復仰天祈禱，適當潮退，各軍士遍就崑身坡中扒開尺許，俱有淡水可餐；官兵人等無不駭異，咸稱：「若非聖祖 仁皇帝天威遠被，曷致有神靈效順若此。」竊擬分平臺灣南北二路後，即欲繕疏題請追褒，不虞提臣

施世驃 身歿軍前，臣時躬處海外，未由陳奏。幸於雍正三年十一月 內趨赴闕庭叩覲天顏，面奏神功靈驗，請乞賜贈匾聯，以誌不朽；隨蒙聖主諭，臣於回住後，繕疏題請。茲臣合就遵旨備敘情由具題，仰懇我皇上特沛殊恩，賜結匾額聯章，俾臣製造懸掛湄洲、臺、厦三處廟宇。再天妃靈神師實水師之司命，仍請恩加勅部，詳議追封先代，聖德彌彰而神功愈顯，將見鯨鯢永遁海宇，共慶昇平、波浪長恬商漁咸歌樂業矣。臣謹繕疏題請，伏乞聖主睿鑒賜給，勅部詳議，追封施行。爲此具本謹題請旨。雍正四年正月十七日。

『謝恩疏文：』題爲恭報懸掛天妃神祠御書匾額日期事——雍正四年七月初三日承准禮部劄開：「爲頒發御書匾額事：祠祭清吏司案呈：雍正四年五月十一日，內閣交出天妃神祠匾額御書神昭海表四字，應將神昭海表四字交與福建 提塘 送往，並知照 水師提督 敬謹製造懸掛可也。爲此，令劄前去查照施行。」等因到臣，承准此。續於本年九月十二日，據臣家人林世雄在京賁捧御書神昭海表四字到厦，臣即郊迎至署，恭設香案，望闕叩頭訖，隨敬謹恭摹，召匠繪成匾式；遵照原題應懸掛湄洲、厦門、臺灣三處天妃神祠，將恭摹字樣并繪成匾式，分送 臺灣總兵 臣林亮、海壇總兵 臣朱

文召匠製造，擇吉敬謹懸掛去後，所有廈門天妃神祠，臣遵即製造匾額，擇吉於本年十二月十一日敬謹懸掛。又於十二月十三日准 臺灣總兵 臣林亮咨稱：「臺灣天妃神祠御書匾額遵即製造完竣，業經擇吉於本年十一月廿八日會同臺灣文武官員恭迎至祠敬謹懸掛。合將日期咨覆。」等因。續於十二月十七日又准 海壇 總兵臣朱文咨稱：「湄洲天妃神祠御書匾額遵即製造完竣，經擇吉於本年十二月十一日親率屬員恭迎至祠敬謹懸掛。合將日期咨覆。」等因。各到臣，准此，竊照神靈效順允協盛世祥徵，宸翰特頒彌朋聖朝鉅典，閩省天妃英靈彰著，歷代褒封昭然可考；康熙六十年間，臺匪倡亂，臣同 前任提 臣施世驃親統官兵前往討逆，維時六月興師，各士卒感佩聖祖仁皇帝深仁厚澤，踴躍用命；但恐時值颱風頻發之候，臨行虔祝垂庇；果荷顯靈默相，處處效順；經臣面奏請乞賜贈匾聯，以誌不朽，業蒙我皇上特頒御書神昭海表四字。臣奉到，隨即恭摹製造匾額，擇吉敬謹懸掛廈門天妃神祠，仍繪成圖式分送 臺灣總兵 臣林亮、 海壇總兵 臣朱文循照，召匠製造，擇吉敬謹懸掛臺灣、湄洲二處天妃神祠去後，茲准各咨報懸掛日

期前來。具見宸翰輝煌、神功有赫，允垂億萬年盛典；行將鯨鯢永遁，海宇共慶昇平，波浪長恬，商漁咸歌樂業矣。所有敬謹懸掛天妃神祠御書匾額各日期，理合繕疏題報，伏乞皇上睿鑒施行。爲此，具本謹具奏聞。雍正四年十二月二十日。』

第一章 天妃誕降本傳

天妃，莆 林氏女也。始祖，唐 林披公，生子九俱賢，當憲宗時，九人各授州刺史，號「九牧林氏」，曾祖保吉公，乃 邵州刺史 蘊公六世孫 州牧 圍公子也，五代周顯德中爲 統軍兵馬使。時劉崇自立爲北漢，周世宗命「都檢點」趙匡胤戰於高平山，保吉與有功焉；棄官而歸，隱於莆之湄洲嶼。子孚承襲世勳爲 福建總管；孚子惟慤，諱愿，爲 都巡官，即妃父也；娶王氏，生男一，名洪毅，女六；妃其第六乳也。二人陰行善，樂施濟，敬祀觀音大士。父年四旬餘，每念一子單弱，朝夕焚香祝天——願得哲胤爲宗支慶。歲己未，周世宗顯德六年夏六月望日齋戒慶讚大士，當空禱拜曰：『某夫婦兢兢自持，修德好施，非敢有妄求，惟冀上天鑒茲至誠，早錫佳兒，以光宗祧！』是夜，王氏夢大士告之曰：『爾家世敦善行，上

帝式佑。』乃出藥丸示之曰：『服此，當得慈濟之貺。』既寤，歆歆然如有所感，遂娠；二人私喜曰：『天必錫我賢嗣矣！』

越次年——宋太祖建隆元年庚申三月二十三日，方夕，見一道紅光從西北射室中，晶輝奪目，異香氤氳不散；俄而王氏腹震，即誕妃於寢室；里鄰咸以爲異。父母大失所望；然因其生奇，甚愛之。自始生至彌月，不聞啼聲，因命名曰「默」。

幼而聰穎不類諸女，甫八歲，從塾師訓讀，悉解文義。十歲餘，喜淨几焚香誦經禮神，旦暮未嘗少懈；婉變季女，儼然窈窕儀型。十三歲時，有老道士玄通者，往來其家，妃樂捨之；道士曰：『若具仙性，應得度人正果。』乃授妃「玄微秘法」，妃受之，悉悟諸要典。十六歲窺井得符，習銅符鐵券法，遂通靈變化，驅邪救世，屢顯神異——常駕雲飛渡大海；衆號曰「通賢靈女」。越十三載，道成，白日飛昇，時宋雍熙四年丁亥秋九月重九日也。

第二章 窺井得符

妃少時與群女閒遊，照粧於井中，忽見神人捧銅符一雙，擁井而上，有

神侍仙官一班，彷彿迎護狀；諸女駭奔，妃受之不疑。少頃乘虛而化。衆報父母及里鄰，視銅符果出神授，莫不驚異。自此符咒徑可辟邪，法力日見玄通，常身在室中，神遊方外，談吉凶禍福，靡不奇中。

第三章 機上救親

秋九月，父與兄渡海北上，時西風正急，江上狂濤震起。妃方織，忽於機上閉睫遊神，顏色頓變，手持梭，足踏機軸，狀若有所挾，而惟恐失者。母怪，急呼之醒，而梭墜；泣曰：『阿父無恙，兄沒矣！』頃而報至果然。彼時，父於怒濤中倉皇失措，幾溺者屢，隱似有拉其舵，與其兄舟相近；無何，其兄之舵摧舟覆。蓋妃當閉睫時，足踏者父之舟，手持者兄之舵也。

第四章 化草救商

嶼之西有鄉曰「門夾」，當港口出入之衝，碇礁錯雜。有商舟渡此，遇風，舟衝礁浸水，舟人哀號求救。妃曰：『碇頭商舟將溺，可急拯！』衆見風濤震盪，不敢向前；妃乃擲草數根，化成大杉，排駕至前，舟因大木相附，得不沉。少頃，風漸平，浪漸息；舟中人相慶，皆以爲天助。及閣岸整理

舟楫，倏見大木飄流不知所向，詢鄉人，方知，化木附舟，悉神姑再造力。

第五章 菜甲天成

湄洲有小嶼住旁流中，一日，妃遊至其地，適母遣人以菜子油遺之，妃傾之地上，遂抽芽解甲，燦然青黃，布滿山塹，不煩播種，四時不絕，自生自熟於荒烟斷沁之間，莖幹花葉可以荐神供佛，名曰「菜子嶼」。鄉人采之爲仙葩神卉，至今猶野香郁郁。斥鹵之外，洵爲勝概。

第六章 掛蓆泛槎

妃時欲渡江，值舟中篷槳不備，舟子以風濤洶湧不敢解纜；妃曰：『無事！』此即草蓆代之，令人懸於桅端。帆起舟駛，恍若鳬鷗之浮沫，白雲一葦，入水不濡，碧海孤帆與波俱出，追狂飈而鼓棹，破巨浪而旋槎。觀者驚爲飛渡。

第七章 鐵馬渡江

時漁民往北採捕，海岸泛舟；妃渡水無楫，取簷前所懸鐵馬鞭而策之，跨江如奔電追風。人見青驄行水、天馬騰空，且怪且愕；及登岸，又不見解

鞍嘶秣，尤爲驚異。

第八章 禱雨濟民

妃年廿一歲時，莆大旱，山焦川涸，農民告困；通郡父老咸曰：『非神姑莫解此厄。』縣尹詣妃求禱，妃往祈焉；擬壬子申刻當雨。及期，日已午，烈燄麗空，片雲不翳，尹曰：『姑殆不足稱神乎？』未幾，陰霾四起、甘澍飄灑，平地水深三尺，西成反獲有秋。衆社賽日咸懽呼頂禮稱：『神姑功德不可思議！』

第九章 降伏二神

先是西北方金水之精，一聰而善聽，號「順風耳」，一明而善視，號「千里眼」；二人以金水生天，出沒西北爲祟；村民苦之，求治於妃。妃乃雜跡於女流採摘中十餘日，方與之遇，彼誤認爲民間女子，將近前，妃叱之，遽騰躍而去，一道火光如車輪飛越，不可方物；妃手中絲帕一拂，霾障蔽空、飛颺捲地；彼仍持鐵斧疾視；妃曰：『敢擲若斧乎？』遂擲下，不可復起，因咋舌伏法。越兩載，復出爲厲，幻生變態，乘濤騎沫，滾盪於浮沉蕩漾

之中，巫覡莫能治。妃曰：『江河湖海水德攸鍾，彼乘旺相之鄉，須木土方可克之。』至次年五六月間，絡繹問治於妃，乃演起神咒，林木震號，沙石飛揚，二神躲閃無門，遂拜伏，願皈正教。時妃年二十三。

第十章 龍王來朝

東海多神怪，漁舟多溺，妃曰：『此必怪物爲殃。』乃命舟。鼓柁至中流，風日晴霽；頃望見水族輳集，錦鱗彩甲跳躍煦沫，遠遠濤頭擁一尊官，類王子儀容，鞠躬嚮呼於前；水潮洶湧，舟人戰慄不已。妃曰：『不須憂！』傳示免迎，突然水色澄清，海不揚波；始知龍王來朝。以後凡遇妃誕辰，水族會洲前慶賀，是日，漁者不敢施罟下釣。

第十一章 收伏晏公

時有負海怪物曰「晏公」，每於水中趁江豚以噓風、鼓水妖以擊浪，翻溺舟楫，深爲水途大患。妃遊至東溟，見一碧萬頃水天涵泓；半晷間，江心澎湃，舟子急呼曰：『桅舵搖撼矣！』妃令拋旋，見一神掀髯突睛、金冠繡袖，隨潮升降，觸纜拂檣，形如電掃雷震；妃色不動，顯出靈變——忽旋風

翻浪、逆湃倒澎；彼伏神威，叩謝盪舟而還。但一時爲法力所制，終未心服，繼假逞色相變一神龍，挾霧翼雲委蛇奔騰。妃曰：『此妖不除，風波不息！』乃拋橈中流，龍左翻右滾，機破技窮，仍還本象——唯見整然衣冠，儼一尊人駐橈不動；妃命投下絛繩，彼近前附攝，不覺隨攝隨粘，牢固難解，飄浮於水上；始懼而伏罪。妃囑之曰：『東溟阻險，爾今統領水闕仙班護民危厄。』由是永依法力，爲部下總管。

第十二章 靈符回生

歲祲疫氣盛行，莆縣尹闔家病篤；吏告以湄嶼神姑法力廣大，能起死回生、救災恤難；尹齋戒親詣請救。妃曰：『此係天數，何敢妄干！』尹哀懇曰：『千里官遊，全家客寓，生死懸於神姑，幸憫而救之！』妃念其素稱仁慈，代爲懺悔，取菖蒲九節，並書符咒，令貼病者門首，煎蒲飲之，病者立瘥。尹喜再生之賜，舉家造門拜謝。自此神姑名徹寰宇矣。

第十三章 伏高里鬼

高里鄉突有險怪，含沙侵染百病，村人共詣神姑求治。妃知爲山僻小木

精作祟，取符咒貼病者牀頭，衆如命而行，聞屋瓦響處，一物如鳥拚飛而去，妃跡其所之，掃穴除之；比至，遽幻作一小鳥匿樹杪，只見渺渺林端炎起一團黑氣，妃曰：『不可留此爲桑梓憂。』追擒之，唯一鷦鷯唧唧，將符水一灑，鳥踏空而墜，並無形體，僅存一撮枯髮；舉火焚之，突現本相——兀兀一小鬼子，叩拜曰：『願皈臺下服役。』收之。先是符咒未至之前，一宵於民間忽語人曰：『我將別，當饗我。』主人具儀禮宴之；次晨，符咒至，即從屋上出去，蓋亦預知法力難逃也。

第十四章 奉旨鎖龍

妃廿六歲，春正月霖雨至夏淋漓弗止，閩浙盡罹其災；省官奏聞，天子命所在祈禱。莆人詣請神姑，妃曰：『上下多獲罪於帝，故龍爲災；亦數使然。今既奉天子命，當除厥禍，爲我邑造福。』見白虬奔躍衝突，又青黃二龍洄盪於滌蒼之表，妃焚靈符，忽有神龍面王冠荷戟而前曰：『奉帝命罰此一方，何可逆命！』妃曰：『誠知玉旨降災；但生民遭困已極，下界天子爲民請命，當奏上帝赦之。』遂鎖住白虬；彼一青一黃尙騰波翻覆，妃乃焚香

祭告，遽有金甲神人逐潮，似追尋狀。天大霽，秋且告稔。有司特奏神姑鎖龍神功，奉旨致幣報謝，浙省水災亦漸平。

第十五章 斷橋觀風

吉蓼城西，有石橋跨海，當周道往來之津，一日，忽怪風掃地，霹靂如雷，橋柱盡折，人病涉水；相傳風伯爲災。妃往觀焉，遙望一道黑氣噴薄迷天，知二字爲祟，因演出靈變，俾其遠遁；戒鄉人晦冥風雨毋犯之。

第十六章 收伏嘉應嘉祐

時有二魔爲祟，一日「嘉應」，一日「嘉祐」，或於荒丘中攝魄迷魂，或於巨浪中沉舟破艇，妃至，遂逃於雲天杳渺之外。適客舟至中流，風翻將沉，見赤面金裝當前鼓躍，妃立化一寶貨舟，拍浮而遊；嘉祐即舍客舟乘潮而前，妃以咒壓之，擊刺落荒，遂懼而伏。妃又從山路獨行，嘉應不知，以爲民間美姝，將犯之；妃拂飛塵霾，彼遂幻變騰挪；終不越故處，若有限距，而無門突出者；因悚然退避。但魔心未淨，歲餘復作蠱害，妃曰：『此物不歸正道，畢竟爲妖爲孽！』令人各焚香齋戒奉符咒，自乘小艇，像漁者遨

遊烟波之中。嘉應見之，即衝潮登舟，坐於桅前，不覺舟駛到岸；妃佇立船頭，遽悔罪請宥。並收爲將，列水闕仙班——共有一十八位。凡舟人值危厄時，披髮虔請求救，率得其默佑。

第十七章 湄山飛昇

宋太宗雍熙四年丁亥，妃年廿九，秋九月八日，妃語家人曰：『心好清淨，塵寰所不樂居；明辰乃重陽日，適有登高之願，預告別期。』衆咸以爲登臨遠眺，不知其將仙也。次晨焚香演經，偕諸姊以行，謂之曰：『今日欲登山遠遊以暢素懷，道門且長，諸姊不得同行，傷如之何！』諸人笑慰之曰：『遊則遊耳！此何是多慮。』妃遂逕上湄峯最高處；但見濃雲橫岫，白氣亘天，恍聞空中絲管聲韻協宮商徵，直徹鈞天之奏，乘風翼靄，油油然翱翔於蒼旻皎日間；衆咸歎駭驚嘆。祇見屋虹輝耀，從雲端透出重霄，遨遊而上，懸碧落以徘徊，俯視人世若隱若現；忽彩雲布合不可復見。嗣後屢呈靈異，鄉之人或見諸山岩水洞之旁，或得之升降跌坐之際；常示夢顯聖降福於民；里人畏之敬之，相率立祠祀焉，號曰「通賢靈女」。時僅落落數椽，而祈

禱報賽，殆無虛日。

第十八章 顯夢闢地

湄嶼初建廟宇甚窄狹，有長者之子善信，居山之西，妃乃托之夢曰：『我廟宇卑隘，爲我擴之，當昌爾後。』是夜夫婦協夢，清晨造廟拜答，願依神命；廼闢地購金，增厥式廓，廟貌啓而維新焉。

第十九章 禱神起梃

季春，有商三寶者滿裝異貨要通外國，舟泊洲前；臨發梃膠弗起，舟人入水，見一怪坐梃不動。急報客，大驚登岸，詢洲人：『此方何神最靈？』或曰：『本山靈女極稱顯應。』遂詣祠拜禱，恍見神女優遊梃上，鬼怪辟易，其梃立起；乃挿香一瓣於祠前石間，祝曰：『神有靈，此香爲證，願示徵應；俾水道安康，大獲貲利；歸即大立規模，以答神功。』迨泛舟海上，或遇風濤危急，拈香仰祝，咸昭然獲庇。越三載，回航全安，復造祠，見前所挿瓣香悉盤根萌芽，化成三樹；正值三月二十三日神誕，枝葉叢茂，香氣郁郁繽紛。商人奇其感應，捐金創建廟宇，煥乎改觀。及宋仁宗天聖中，神光

屢現，善信者復感靈異，廣大其地，廊廡益增巍峩。

第二十章 枯楂顯聖

宋哲宗元祐元年丙寅，莆海東有高墩，去湄百里許，常有光氣夜現，漁者疑爲異寶；伺而視之，乃水漂一枯楂發焰，漁人拾置諸家；次晨視之，楂已自還故處；再試復然。當夕托夢於寧海墩鄉人曰：『我湄洲神女，其枯楂實所憑也；宜祀我，當錫爾福。』父老異之，告於制幹李公，公曰：『此神所棲也。吾聞湄有神姑，顯跡久矣；今靈光發，見昭格，必爲吾鄉一方福，叩神之庇其在斯乎！』遂募衆營基建廟，塑像崇祀，號曰「聖墩」，禱應如響。

第二十一章 銅炉溯流

宋哲宗元符初，莆南六十里地名曰「楓亭」，其溪達海，係南北通津。戊寅，潮長時，水漂一銅炉，寶色燁然，溯流而至；鄉人觀者如堵，咸嘖嘖稱奇，衆下水取而藏之。是夕，楓人同得夢云：『我湄神也，欲爲爾一鄉造福。』相傳異其事，爰備香花奉銅炉至錦屏山下，草構數椽祀焉；凡禱祝者無不應驗。里人林文可感神靈默祐，割田與衆募建以廣之。

第二十二章 朱衣著靈

宋徽宗宣和四年壬寅，給事中允迪路公奉命使高麗，道東海，值大風震動，八舟溺七，獨公舟危蕩未覆，急祝天庇護。見一神女現桅竿——朱衣端坐，公叩頭求庇；倉皇間，風波驟息，藉以安。及自高麗歸，語於衆，保義郎李振素及墩人備述神妃顯應，路公曰：『世間惟生我者恩罔極；我等飄泊大江，身瀕於死，雖父母愛育至情，莫咸助之，而神姑呼吸可通，則此日實再生之賜也！』復命於朝，奏神顯應；奉旨賜「順濟」爲廟額，蠲祭田稅，立廟祀於江口。

第二十三章 聖泉救疫

宋高宗紹興廿五年春，郡大疫，神降於白湖旁居民李本家曰：『瘟氣流行，我爲郡請命於帝，去湖丈許有甘泉，飲此，疾可瘳。』境內羅拜神賜。但此地斥鹵，疑無清流，以神命，鑿之，及深，猶不見泉；咸云：『此係神賜，勉加數鋤。』忽清泉湧出，人競取飲之，其冷若醴；汲者絡繹於路，至相爭攘；朝飲夕瘥。人皆騰躍拜謝曰：『清泉活人，何啻甘露！真有回生之

功。』乃甃爲井，號曰「聖泉」。郡使者奏於朝，詔封「崇福夫人」。

第二十四章 托夢建廟

紹興廿六年丙子，以郊典，特封爲「靈惠夫人」。廿七年，莆城東五里許有水市，諸舶所集，曰「白湖」，歲之秋神來相宅於此，章氏、邵氏二族人共夢神指立廟之地。丞相俊卿陳公聞之，驗其地果吉，因此奉神；歲戊寅廟成。三十年，流寇劉巨興等嘯聚，直抵江口；居民虔禱於廟，忽狂風大震，烟浪滔天，晦冥不見，神靈現出空中；賊懼而退。既而復犯海口，神又示靈威，賊遂爲官軍所獲。奏聞，天子詔加封「靈惠昭應夫人」。

第二十五章 溫臺勦寇

宋孝宗淳熙十年癸卯，福建都巡檢羌特立奉命征勦溫州、臺州二府草寇，官舟旣集，賊船艤水面，衆甚懼。方相持之際，咸祝曰：『海谷神靈惟神女夫人威靈顯赫，乞垂庇護！』隱隱見神立雲端，軒蓋輝煌，旗幡飛颺，儼然閃電流虹，賊大駭。俄而我師乘風騰流，賊舟在右，急撥棹衝擊之，獲賊首，並擒其黨，餘艘四散奔潰，奏凱而歸，列神陰相之功奏於朝，奉旨

加封「靈慈昭應崇善福利夫人」。

第二十六章 救旱進爵

宋光宗紹熙元年庚戌夏，大旱，萬姓號呼載道。神示夢於郡、邑長曰：『旱魃爲虐，我爲君爲民請命於天，某日甲子當雨。』及期，果銀竹紛飛，金飈噴澍，焦林起潤，嘆谷生春。郡邑交章條奏；天子詔：『神福民殊勳應褒封進爵。』頒詔進封「靈惠妃」，以彰聖靈。

第二十七章 甌閩救潦

宋寧宗慶元四年戊午，甌閩苦雨，滂沱不止，漂屋蕩崖。春夏，倉廩告匱，民不聊生，有司請蠲、議賑。莆人虔禱於神，夜夢神示之曰：『人多不道，厥爵常陰，故上天因此一方人。今爾衆虔恭，我爲爾奏於帝，帝矜之，越三日當大霽，且錫有秋之貺。』至期，果見扶桑破曉，暘谷春生；早禾得水而榮，西成大熟。省官奏聞，奉旨加封「助順」，以報厥功。

第二十八章 平大奚寇

戊午秋，大奚寇作亂，調發閩省舟師討之，舳艫相接，將士枕戈；島寇

巨艦銜尾而至，銳不可當；衆懼，各請神香火以行。與賊遇於中流，彼居上風，難以取勝。衆禱於神曰：『願藉神力掃妖氛，上慰天子討叛之心，下救萬民蹂躪之苦。』頃刻間，昏霧四塞，返風旋波，神光赫耀出現，遂衝突無前，渠魁就擒；餘兇或溺或潰，掃蕩無遺。凱奏，具陳神陰佑大勳，奉旨詔：『神爲國家討賊，其議加封號，以答神庥。』

第二十九章 一家榮封

慶元六年，朝廷以神妃護國庇民，功參玄造，人本乎親，慶自先貽，於是頒詔封妃父爲「禎慶侯」，又改封「威靈侯」；又以顯赫有裨民社，加封爲「靈感嘉祐侯」。母王氏封「顯慶夫人」，兄封「靈應仙官」，神姊封爲「慈惠夫人」，佐神。

第三十章 紫金山助戰

宋寧宗開禧改元乙丑冬，金人僕散揆從八疊灘潛渡淮，聚哨淮甸；王師啓行北伐。人心洶湧，求庇於神。至直隸安豐，戎馬戒嚴。神示夢於將領異再遇等曰：『金人犯順，北顧貽憂，若等銳志克敵，吾當助威，以佐天子。』

『初戰於花靨鎮，神現靈雲端，衆望空中若有萬馬馳騁狀，知爲神力呵護，賈勇向前，大炮碎其酋長，賊遂却。又會戰於紫金山，賊甚猖獗；臨陣時，復見旌旗閃空，將領嚴令督戰，兵士擁楯而進，敵乃披靡；獲馬百餘匹，斬馘數百人。賊復大聚合肥，聞雲端鏘鏘有劍戟聲，賊益懼，且戰且退；遂解合肥之圍。全師返旆，人唱饒歌。天子聞神兵陰助，有護國大功，加封「顯衛」，以答神庥。』

第三十一章 助擒周六四

嘉定改元戊辰秋，草寇周六四哨聚犯境，舟艦不可勝計。時久旱後，人窮無賴者多，旣困赤地，遂入綠林，乘亂刼掠，廬舍寥落。闔邑哀禱於神，神示之夢曰：『六四罪已貫盈，特釜中遊魚耳！當爲爾殲之。』越四日入境，喊聲動地；忽望空中有劍戟旗幟之形，各相驚疑，退下舟；遽衝礁閣淺，尉司駕艇追之，獲其首，餘兇悉就俘；寇平，境內悉安。奏上天子，奉旨加封「護國助順嘉應英烈妃」。

第三十二章 錢塘助堤

宋理宗嘉熙元年，浙省錢塘潮翻，江堤橫潰，大爲都省患，波湧浩蕩，版築難施。都人號祝神妃，忽望水波汹涌，時濤頭上艮山祠若有所限距，而水勢倒流不前者，因之水不衝溢，堤障得成，永無泛圯之患；衆咸稱神力捍禦，有司特奏於朝，奉旨：『神功赫濯，大有裨於朝家，議加封號，以答靈感。』

第三十三章 拯興泉饑

寶祐改元，莆興泉大旱，穀值騰湧，饑困弗支，老幼朝夕向祠前拜禱。夢神夜告曰：『若無憂！米艘即至矣。』初廣地買客艇裝米上浙越，偶一夜，神示夢曰：『興、泉饑，米貴，若速往，可得利。』客寤而喜謂：『神示必獲利滋倍。』遂載入興、入泉。南艘輻輳，民藉以不饑，米價反平；郡人頗矜天幸，商人怏怏，言神夢不驗。詢其得夢之由，方悟神爲二郡拯饑。又思前夕「米艘即至」之夢，果屬不虛，咸嘆再造神功，焚香拜謝。天子聞之詔褒封「助順嘉應英烈協正妃」。三年，又以顯靈加封「靈惠助順嘉應慈濟妃」。四年丙辰，以浙江隄岸告成，加封「靈惠協正嘉應善慶妃」。

第三十四章 火燒陳長五

開慶改元，歲在己未，陳長五兄弟縱橫海上，去來於興、泉、漳之間，殺掠逞兇，家無安堵，郡守徐公夢神示之曰：『當殄此賊，以靖地方。』徐公素敬信神妃，即率寨官在玉等勵兵備之。朝廷督憲使王鏐尅期勦賊，越八月，賊三舟入湄島，將屠掠蓼禧，禱於神；弗允；解衣偃臥廊廡下，悻悻不敬；俄有火焚其身，肉綻皮爛，痛楚哀呼。賊大懼，退遁舟中。神起順風誘之出港，忽天日晦暝，大雨驟至；及開霽，賊三舟已在沙埔上膠淺不動。憲使王鏐曰：『此神授也，逆賊當殲滅矣！』揮兵急擊，賊奔潰；先擒長五；郭敬叔等帥兵追至莆禧，擒長六，長七乘潮退遁；後追至福清，並俘之，磔於市，脅從者罔治。徐公具陳神妃庇助之功，憲使奏上天子，敕議典禮，進封「顯濟妃」，兩司捐萬楮助修宮殿，以報神貺。

第三十五章 怒濤濟溺

天曆元年夏，備海道萬戶府分司運糧至大海，遭颶風驟起，巨浪連天七日夜不息，人困力疲，運艘幾於翻覆；舟人哀號，仰禱神妃求佑，會日暮，有形從空而下，掩映舟中，輝耀如晝，宛見神靈陟降，少頃，怒濤頓平，船

上覺異香縝郁。自此水道無虞，經抵直沽都省。奏聞，奉旨差翰林國史院學士普顏實理欽賚御香馳驛致祭。二年，漕運復藉神妃默庇無失，加封「護國輔聖庇民顯祐廣慈靈感動順福惠徽烈明著天妃」，遣官黃份等馳傳具禮專詣湄洲特祭，並致祭淮、浙、閩海等處神廟，共祭一十八所。

第三十六章 神助漕運

至順元年庚午春，糧船七百八十隻，自太平江路太倉劉家港開洋，遇大風突起，波撼星辰，桅檣飄蕩，數千人戰慄哀號。官吏懇禱於神妃，言未已，倏陰雲掩靄，恍見空中有朱衣神擁翠蓋，佇立舟前，旋有火照竿頭，晶光如虹；舟人且驚且喜，無何風平浪息。七百餘艘飄流四散，正集合整理篷槳，解纜而進，又聞空中有語云：『可向東南孤島暫泊。』衆郎撐舟依孤島旁；方拋橈，江上狂飈迅發，暴雨倒峽，舟人相慰曰：『非神靈指示，我等皆在鼉宮蛟窟矣！』次日晴霽，遂達直沽交卸。中書奏神護相之功，奉旨賜額曰「靈慈」。

第三十七章 擁浪濟舟

洪武七年甲寅，泉州衛指揮周坐領戰船哨捕，忽遇颶風大作，衝泊

閣礁；舟人環泣稽首呼神妃求庇，黑夜間，倏見神火懸空畢照，桅檣皆現，周喜曰：『吾聞海上危急時得神火照耀，雖危亦安；神其佑我乎！』俄而巨浪躍起，將船盪浮，從侈隙直踰磯北，順流駛至岸邊；時天欲曙，差認港跡，始得無恙。歸至泉立廟奉祀，仍運木赴湄嶼修整宮殿，其杉木未載者浮水面，自飄流到湄，木頭各有「天妃」二字，衆皆奇之。自是重建寢殿及香亭、鼓樓、山門，復塑聖像、製旗鼓，沿途鼓吹送至祖廟。時又有張指揮領兵出海，默祝神妃保佑，果得顯應，由泉裝載木料來湄洲，構一閣於正殿之左，名曰「朝天閣」。

第三十八章 藥救呂德

洪武十八年，興化 衛官 呂德出海鎮守，得病甚危篤，求禱於神；夢寐間，見一神女儼然降臨，命侍鬼持丸藥——輝瑩若晶珀，示之曰：『服此，當去二豎。』正接而吞之，遽寤，香氣猶藹藹未散；口渴甚，取湯飲，嘔出二塊物，頓覺神氣爽豁，宿疴皆除，遂平復如初。是夕，夢神曰：『疇昔之夜持藥而救爾者，乃慈悲觀音菩薩示現也，當敬奉大士。』呂德感神靈赫奕

，遂捐金創建「觀音堂」於湄嶼。

第三十九章 廣州救太監鄭和

永樂元年，「欽差太監」鄭和等往暹邏國，至廣州大星洋遭風，舟將覆；舟人請禱於天妃，和祝曰：『和奉命出使外邦，忽遭風濤危險，身固不足惜，恐無以報天子；且數百人之命懸呼吸，望神妃救之！』俄聞喧然鼓吹聲，一陣香風颯颯飄來，宛見神妃立於桅端。自此風恬浪靜，往返無虞。歸朝復命，奏上，奉旨遣官整理祖廟。和自備寶鈔五百貫親到湄嶼致祭。

第四十章 舊港戮寇

永樂三年，欽差太監等官往西洋；舟至舊港，遇萑苻截刼，順流連艦而至，勢甚危急。衆望空羅拜，懇禱天妃，忽見空中旌旗旆旆雲巔，影耀滄溟；突而江流激浪，幟轉帆翻，賊艘逆潮不前；官兵忽蕩進上流，乘潮揮戈逐之；一擊而魁首就俘，再擊而餘孽遠潰；自此往返平靜。回京奏神功廣大，奉旨着福建守鎮官整蓋廟宇，以答神庥。

第四十一章 夢示陳指揮全勝

永樂七年，欽差太監統領指揮陳慶等往西洋，賊覘知，垂涎寶貨，率數十艘於中流截刼，正值上風，奔流如風，我舟被困，衆俱股慄。陳慶曰：『奉君命到此，數百人在茫茫大海中，須決雌雄尙可生還，騎虎之勢安可中下！兵法謂「置之死地而後生」，正在今日。』衆曰：『不若拜禱天妃。』慶從之。是宵，陳慶夢神語曰：『今夜風急，可乘昏霧溯流而上，翌日佐爾一帆風，殲此醜類。』慶以告內使，鼓棹向前，比曉，已居上流，賊逆風不得進；我舟離賊已遠，衆欲遠遁；慶復曰：『長江萬里，西國迢遙，回首不見家山，彼狡爾鯨鯢豈能忘情於我！若飄泊偷安，恐賊黨出沒烟波，終入其網；今風信順便，殆神授也！急擊勿失！』遂勵兵奔衝而下。遠望神儼現空中，閃爍如虹如電，賊駭愕；風急舟駛，賊篷被官桅倒插破裂，陳慶揮双越舟，賊首投水，鈎而俘之；餘悉就擒，獲貨物、軍器無算。內使及陳指揮率衆叩謝神妃曰：『反敗爲功，轉禍爲福，再造之德，山高水深！』復命奏上，奉旨褒嘉，委官重置廟中器皿，親齎詣廟致祭。

第四十二章 助戰破蠻

永樂十八年正月，倭寇哨兵渡海，欽差都指揮張翥統領浙江定海衛水軍防禦，距海相持。日本慣習水戰，分舟師據海口，我師樵汲道絕，兵士困甚，同叩禱天妃拜請水仙；忽波心撼激，賊舟蕩漾浪中撐東湧西，我舟與賊船首尾相擊，半晷間，賊篷緯繩斷，我舟中一兵披髮跳躍大呼曰：『速越舟破賊！』翥發令曰：『此神所命，先登者重賞！』遂奮勇衝殺，擒獲甚多，其投水死者不計其數；全收破蠻之功。事聞於上，奉旨遣御史劉麟、內官孔用、唐貞詣廟致祭，送長生鹿二對。

第四十三章 東海護內使張源

永樂十九年，欽差內使張源往榜葛刺國，於鎮東海洋中，官舟遭大風，掀翻欲溺，舟中喧泣。源急叩天妃求佑，言未畢，忽見狂風旋舞，中有赤旆飛揚；衆疑其不祥。須臾，風息浪平，舟人踴躍懼怯，皆曰：『頃赤旆飛揚，實神靈返颺之力！』及自外國還，特製袍幡詣廟拜謝。本年，太監王貴通等又奉命往西洋，禱祝顯應。奏上，遣內官修整祖廟，備禮致祭。

第四十四章 琉球救太監柴山

洪熙元年四月，欽差內官柴山往琉球，載神香火以行。至外洋，一夕雲霧晦冥，山方假寐，夢神撫其几曰：『若輩有水厄，當慎之！吾將爲汝解。』及寤，不敢明言，只嚴戒舵工加謹。正揚帆而進，突陰霾蔽天，濤翻浪滾，咫尺不相辨，孤舟飄泊於洪波之中，桅樁顛倒，舟中墜水者數人；舵工急取大板亂擲水中，數人攀木而浮，隨波上下，呼天求救，哀聲震天。迨薄暮，見燈光自天而來，風倏靜，浪倏平；舵工亟撥棹辦救，墮水者爭攀附登舟，感慶再生之賜。回京奏上，奉旨遣官致祭，拜答神功。

第四十五章 庇太監楊洪使諸番八國

宣德五年庚戌十二月，欽差太監楊洪統領指揮、千百戶及隨從人等駕船大小三十隻，裝載彩幣賞賜阿丹、暹邏、蘇門答刺、木骨都束、卜刺哇、竹步八國，虔恭奉祀神妃，朝夕拜禱保佑。一日，舟至中流，天日清霽，遠望大嶼橫峙海中，上多怪石，錯生海物。衆曰：『舟中沉鬱已久，盍登岸小舒！』各奪磴而上。又見旁有小磯，一女子攜筐採螺蜃，競赴磯迫視之；洪恐其肆慢，趨前呵止；女子忽不見，回首大嶼已沒。方知前所登

嶼，即巨鰲浮現，其美女乃天妃現身，救此數十人也，各叩首謝。歸奏上，奉旨賫香致祭。

第四十六章 托夢除奸

嘉靖中，奸臣嚴嵩當權，殘害忠義，御史林公——諱潤，擬附本糾之；夜間草藁，未畢，乃曰：『似此必無兩靜；但含默非吾初志。』假寐几上；夢神妃語之曰：『權奸蠹國，公報主忠誠，必兪所奏，當不負厥梗直。』寤而嘆曰：『奸臣播虐忠良，神人共憤，天妃廼有除奸之靈！若此本得旨，當廟祀，血食春秋。』果章奏而帝兪允。遂建廟於涵江東卓地面，以答英光。

第四十七章 粧樓謝過

天啓乙丑、戊辰間，萑苻草寇李魁奇出沒南溟，結夥入吉了抄掠，復迤邐到賢良港；港人擁神像江頭示以神靈梓鄉，冀免擾害，神乃顯夢於曾長曰：『而焚掠吉了城，爲禍酷烈，今尙欲困吾父母之邦！若不速退將殲爾類！』仍嘯聚弗去。俄而，狂飈躍浪，蕩散其舟，大舡沉溺，餘者淪落波中。自是悔罪乞宥；風且不靜；願起蓋 梳粧樓一座，並塑聖像以謝過，乃得風靖。遂移舟出港，備牲醴、香花到湄，買置木料，裝運前來建造，俯伏叩拜。

第四十八章 清朝助順加封

康熙庚申年二月十九日，舟師征勦，駐崇武與敵對壘；夜夢天妃告之曰：『吾佐一航北汛，上風取捷，隨使其遠遁。』次日，果得北風驟起，敵遂披靡大敗而退，至廿六日，舍廈門、入臺灣，內地海宇自是清寧。萬將軍大感神助，立即具本奏神保佑之力，聖上甚慰陰功，欽賜御香、御帛，差官齎詔到湄廟，加封致祭。

第四十九章 起蓋鐘鼓樓及山門

總督姚奉命征勦，以海道艱虞，風波險阻，不易報效，中心懇摯；素信神靈赫耀，禱應如響，懇祈陰光默佑協順破逆，於康熙二十一年，差官到湄洲祖廟，就神前致祝許願，俾不負征勦上命；即重修宮殿，答謝鴻庥。廼於廿二年三月廿三日，天妃悅旦，特委興化府正堂蘇到湄廟設醮致祭，隨帶各匠估置木料，擇吉起蓋鐘、鼓二樓及山門一座，宮宇由是壯觀。

第五十章 大關宮殿

「大總督」姚時議征勦，雖不辭責重任大而艱，而踰壑越滄不無風波飄

蕩之慮，一片忠誠孚格，惟恃神靈默相；以故天威一震，寰服人心——於康熙二十二年七月初旬，臺灣果傾心向化、舉島輸誠。總督 捧頒恩詔前至臺灣，因少西北正風，又恐逗留詔命，自福建省放舟，於八月廿三日親到湄洲詣廟，具疏神前虔祝順風，願大闢殿宇，以報神功；於是神前拈鬚，准將東邊 朝天閣 改爲正殿。舟尙未開，廿五夜，見船上放光。深感神明有赫，即捐金付 興防廳 張同、同知 林昇估價置買木料；西邊朝天閣另爲起蓋，遂擇吉建造正殿。已經安基豎樑，緣興防廳張丁艱謝事。

總督祈禱疏文

福建總督

姚啓聖謹抒愚衷，上請天妃主裁而言曰

：『四海廣濶，惟神是憑，風濤順逆，亦惟神是主，是神之權大德尊，適足侔天地而並日月也！今者荷神有靈助，除六十年猖狂之大寇，竟停五、六月颶颳之大風，除生靈之大害，立朝廷之殊功，啓聖得以安享太平，皆尊神之默佑也。今啓聖親總舟師，遴福寧州 鎮總兵 黃大來、參政道 劉仔，捧頒恩勅前至臺灣，因尙少西北正風，是以越廟求神，冀借一帆早到臺地。啓聖百叩稽首之下，見廟貌尙有未妥，寸心甚爲不安；況正殿朝南，而朝天

閣、山門各俱西向，亦非宜於神靈之所憑依也。今啓聖議以正殿既朝南，則朝天閣、鐘鼓樓、山門俱宜開闢朝南，此爲一議。如神意定於朝西，則山門、鐘鼓樓止須蓋完，惟將朝天閣陞高，改爲正殿，而以原廟爲神寢宮，此又爲一議。若神意不准二議，欲仍舊向，啓聖亦惟神是聽，不敢有違。啓聖既經目擊，不敢吝惜，分列三闔，惟神裁定！』

第五十一章 托夢護舟

隨征 同知 林昇同 總兵官 游澎奉委往撫臺灣，於康熙廿二年九月初五日，由湄洲放洋，初六晚至臺灣；十五日，自彼開駕，而十八夜，夢天妃在船，有四人戴紅帽從水仙門而上；問其所來，答曰：『舟船有厄，將爲爾護。』十九早，舟過柑桔嶼，舟次擱淺，舵折四尺，將溺。衆驚懼，投拜神前，懇求庇佑；倏見天妃現身降靈保護，乃得平穩。十九晚，收進八罩，報復成功，總督慰甚。同知林昇到家虔誠答謝。

第五十二章 湧泉給師

靖海將軍侯 施於康熙廿一年十月，奉命征勦，大師雲屯於平海——

此地斥鹵，樵汲維艱，只有神宮前小井一口，甚淺，當炎天旱候，尤爲枯竭，數萬軍取給炊爨弗繼。將軍侯乃祝諸神，以大師扎住，願藉神力，俾源源可足軍需；禱畢而泉水湧溢，真不異耿恭拜井之奇。因是千萬軍取用不竭。爰額之曰「師泉井」，作師泉誌，以著神庥。

師泉井記 今上御極之二十一載壬戌孟冬，予以奉命統率舟師徂征臺灣，貔虎之校，犀里之士簡閱而從者三萬有餘衆，駐集平湖之澳，俟長風破浪以請掃蛟窟。爰際天時暘亢，泉流殫竭，軍中取汲之道遙遙難至，而平澳遷徙之壤，介在海陬，昔之井廬盡成堙廢；始得一井於天妃行宮之前，距海不盈數十武，漬鹵浸潤，厥味鹹苦，其始未達深源，其流亦復易罄。詢諸土人，咸稱是井曩僅可供百家之需，至降冬，澤愆水涸，用益不贍。允若茲，則三軍之士所藉以朝饔夕飧者果奚恃嶼？予乃殫摠誠懃祈籲神聰；拜禱之餘，不崇朝而泉流斯溢，味轉甘和，綆汲挹取之聲晝夜靡間，歎涌滋漑略不顯其虧盈之迹；凡三萬之衆咸資飲沃而無呼癸之慮焉；自非靈光幽贊，佐佑我師殲殄妖氛，翼衛王室，未有弘闡嘉祥湛澤汪濊若斯之渥者也！因鐫石紀

異，名曰「師泉」，昭神貺也。在易、地中有水曰師，師之行於天下，猶水之行於地中，既著容民畜衆之義，必協行險而順之和，是知師以衆正乃克副大君討貳撫順懷柔萬邦之命；而揚旌海外、發軔涯涘，神異初彰、闔惠覃布，誕惟聖天子赫耀之威，以致百靈效順、山海徵奇，亶其然乎！昔貳劍師刺大宛之山，而流水溢出，耿恭拜禱疏勒之井，而清泉奔湧，並能拯軍士於渴乏，著萬里之奇功；乃今井養不窮，三軍獲福，予之不敏，曷以答茲鴻嘉之賜哉！是用勒之貞珉，以誌不朽云。

第五十三章 燈光引護舟人

將軍侯 施於康熙廿一年十月，舟次平海，因謀進取，於十二月廿六夜開船，一宵一日僅到烏坵洋，因無風，不得行，令駕回平海。未到澳，而大風倏起，浪湧滔天，戰艦上下隨濤浮漾外洋；天水淼茫，十無一存之勢。次早風定，差船尋覓；及到湄洲澳中，見人船無恙，且喜且駭，曰：『似此風波安得兩全？』答曰：『昨夜波浪中，我意爲魚腹中物矣！不意昏暗之中，恍見船頭有燈籠，火光晶晶，似人挽厥纜而經流至此。』衆曰：『此皆天

妃默佑。』即棹回報上。將軍侯因於康熙廿二年正月初四日早，率各鎮營將領赴湄致謝，遍觀廟宇，捐金調各匠估價買料，重興梳粧樓、朝天閣，以顯靈惠。

第五十四章 澎湖神助得捷

康熙廿二年六月內，將軍侯 奉命征勦臺灣，澎湖係臺灣中道之衝，萑苻竊踞，出沒要津，難以徑渡。侯 於是整奮大師，嚴飭號令，士卒舟中咸謂恍見神妃如在左右，遂皆買勇前進。敵大發火炮，我舟中亦發大炮，喊聲震天，烟霧迷海；戰艦脚尾而進，左衝右突，凜凜神威震懾，一戰而殺傷彼衆，並淹沒者不計其數。其頭目尙踞別嶼，我舟放炮攻擊，遂伏小舟而遁；澎湖自是肅清。先是未克澎湖之時，署左營千總 劉春夢天妃告之曰：『二十一日必得澎湖，七月可得臺灣。』果於二十二日澎湖克捷，其應如響。又是日方進戰之頃，平海鄉人入天妃宮，咸見天妃衣袍透濕，其左右二神將兩手起泡；觀者如市；及報是日澎湖得捷，方知此即神靈陰中默助之功。將軍 侯因大感神力默相，奏請勅封，並議加封；奉旨：『神妃已經勅

封，即差 禮部郎中 雅虎等齎御香、御帛到湄詣廟致祭。時 將軍侯 到湄陪祭，見佛殿、僧房尙未克竣，隨即捐金二百兩湊起。

第五十五章 琉球陰護冊使

康熙廿二年，欽差冊封琉球， 賜蟒玉正一品 汪、林等官時在福省，於六月二十日諭祭天妃於怡山院；是時東風正猛，不意行禮甫畢，旗幟忽皆北向，遂解纜而行。所有應歷水程悉若飛渡而下，纔二晝夜即到馬齒山，遽至那霸港，直達迎恩亭前；琉球之人皆謂：『從來封駕未有若此飛渡而來。』迄夫典禮告竣，開駕而回，狂濤震撼，巨浪滔天，舟中人皆顛覆，烟灶等物盡委逝波，茫無彼岸，誠萬難獲全。 天使官肅將 簡命共籲神妃求佑：『返節無恙，當爲奏請春秋祀典，永荷神庥。』虔禱方終，神應如響——黑夜中漂泊，衆見舟竿上有二燈籠，光焰在前，時東桅鐵箍已斷十三，桅應散而尙全，繫篷之頂繩斷不可續，篷宜墮而猶懸，桅栓裂踰尺，桅應倒而仍柱，船不及壞。因急駛往歸閩海港。中使……復命，奏請春秋……（下殘缺）

太上老君說天妃救苦靈驗經

(道藏洞神部，列傷字卷十)

仰啓勅封號無極 仁慈輔斗至靈神 威容顯現大海中 德廣徧施天下仰

護國救民無壅滯

扶危救險在須臾

(原譌臾)

或遊天界或人間 或徧波濤或地府

邪魔鬼魅總歸依

魍魎妖精皆潛伏

變凶爲吉如彈指

賜福消災若殄微

凡人有禱捧金爐 一切歸心從懇禱

至心歸命禮

(普陀也)

浦沲勝境，興化涓洲，靈應威德，非常孝感，神通廣大，救厄而平波息浪，

扶危而起死回生。

大慈大悲救苦救難勅封護國庇民明著妙靈昭應弘仁普濟天妃。

啓請呪

奉請三天都總管 九天遊奕不會停 上聖天妃功護國 勅封靈惠衛朝廷

頭戴花冠乘鳳輦

身披蜚服仗龍形

東列西華排鬼將

南征北討助神兵

劍佩斗牛光凜冽

簡書勅命掃妖精

威容顯現人欽仰

心運慈悲雨露均

救民護國施恩德 祛害除災利澤興 威德周圓通上界 垂慈降世度群生
 山河社稷永安鎮 雨順風調保太平 散影分輝遍三界 人間天上日月明
 天龍鬼神咸恭敬 奉勅皆令達上清 我今誓願永受持 一心歸命奉眞經

奉禮呪

陰德始生 陽光吉貞 威容烜赫 救度生民 斬鬼除魔 速達上清
 三臺來護 衆聖皆迎 戴天履地 步斗魁星 無憂不滅 無願不成

誦持神呪 道炁長存

爾時。

太上老君在無極境界，觀見大洋、溟渤、河瀆、川源、四海、九江、五湖、水澤，蛟蜃魚龍出沒，變化精妖鬼怪，千狀萬端。有諸衆生，或以興商買賣，採寶求珍，出使遐荒，交通異域，外邦進貢，上國頒恩，輸運錢糧，進納貢賦，舟船往復，風水不便，潮勢洶湧，驚濤倉卒，或風雷震擊，雨雹滂沱。其諸鬼神，乘此陰陽變化，翻覆舟船，損人性命，橫被傷殺，無由解脫，以致捉生代死，怨怒上衝，何由救免！於是廣救眞人上白

天尊曰：『斗中有妙行玉女，於昔劫以來，修諸妙行，誓揚正化，廣濟衆生，普令安樂。』於是

天尊乃命妙行玉女降生人間，救民疾苦。乃於庚申之歲三月二十三日辰時降生世間。生而通靈，長而神異，精修妙行，示大神通，救度生民，願與一切含靈解厄消災，扶難拔苦。功圓果滿，白日上升。土神社主奏上三天。於是老君勅下輔斗昭孝純正靈應孚濟護國庇民妙靈昭應弘仁普濟天妃；於是天妃聽宣法音，弘是願言：『自今以後，若有行商坐賈買賣求財，或農工伎藝種作經營，或行兵布陣，或產難不分，或官非撓聒，或口舌所侵，多諸惱害；或疾病纏綿，無有休息；但能起恭敬心稱吾名者，我即應時孚感，令得所願遂心，所謀如意。吾常遊行天界，遍察人間，以致地府、泉源、江河、海上一切去處，令諸所求悉皆遂願。』於是廣救真人聞是願言，稽首歸依而說偈曰：

勅封輔斗	顯跡威靈	飛符走印	統領天丁	收捕奸盜	斬滅妖精
扶危濟險	護助天兵	邪魔永殄	疾病安寧	敬順者泰	橫逆者傾
厭息大盜	斷絕邪冥	東西南北	四方肅清	神威震肅	家國咸寧

英烈天妃 善慶明時 遊行三界 徧察靈祇 風雷衛護 兵將維持

中臨人世 爲殄災非 下通地府 徧告神司 枉橫者戮 殺人者誅

施人者愛 謀人者追 一心歸仰 萬物咸熙 急急如律令

爾時，天妃聞說偈已，稽首

天尊道前而說誓言：一者誓救舟船達于彼岸，二者誓護客商咸令安樂，三者祛除邪祟永得消除，四者蕩滅災迺家門清淨，五者搜捕奸盜屏跡潛形，六者收斬惡人誅鋤強梗，七者救民護國民稱太平，八者釋罪解愆離諸報對，九者扶持產難母子安全，十者庇護良民免遭橫逆，十一者衛護法界風雨順時，十二者凡有歸向保佑安寧，十三者修學至人功行果滿，十四者求官進職爵祿亨通，十五者過去超生九幽息對。是時

老君聞天妃誓言，乃勅玄妙玉女，錫以「無極輔斗助政普濟天妃」之號，賜珠冠、雲履、玉珮、寶圭，緋衣青綬，龍車鳳輦，佩劍持印，前後導從，部衛精嚴——黃蜂兵帥，白馬將軍，丁壬使者，檀香大聖，晏公大神，有千里眼之察奸、順風耳之報事，青衣童子，水部判官，佐助威靈，顯揚正化。世

間若有男女恭敬信禮，稱其名號，或修齋設醮、建置道場，或清淨家庭，或江河水，轉誦是經一遍，乃至百遍千遍，即得祛除災難，殄滅邪魔，疾病自痊，官災永息，行兵臨陣，凶惡自離，囚獄之中，自然清泰，賊寇不侵，惡言無害，田蚕百倍，牛畜孳生，財祿盈餘，經營獲利，行商坐賈，採寶求珍，海途平善，無諸驚恐，求官作事，遂意稱心。是時

天尊說是經畢，天龍鬼神咸願護持。於是廣救真人復說偈曰：

金闕聖后

勅封輔斗

天人顯跡

（原爲缺字，以意補）嶽瀆毓秀

三月建辰

下弦應候

護國靈長

嵩呼萬壽

（原作首，應作手）無福不臻

何難不救

與道合真

玉皇眷佑

依經轉誦

魔靈束手

燒香散花

修齋設醮

應有急難

即當虔告

如法受持

無不應驗

急急如律令

眞后斗仙

位列九天

上佐金闕

下及泉源

七元使者

道合自然

人間皈依

福報無邊

昊天罔極

降福綿延

英烈天妃

應感無方

人間天上

咸敬其名

貞風顯佑

國土清平

臣今遵奉

永保利貞

是時，廣救說是偈已，妙行天妃稽首

天尊，奉辭而退，三界靈祇、天龍神鬼，咸生歡喜，信受奉行。

天妃救苦靈符

勅符呪曰

急急如律令

輔斗真人 感應化生 一符一水 救濟萬民 除災去障 永保安寧

急急如律令

齊天聖后 北斗降身 三界顯跡 巨海通靈 神通變化 順濟稱名

三十二相 相貌端成 隨念隨應

至聖至靈 威光顯赫 護國庇民 海風吹浪 至祝降臨 一心瞻仰

顯現眞身 虛空出現 統領天兵 威神下降 鬼伏神驚 莆田土主

聖化竹林

北斗大聖 驅逐邪精 消災散禍 家國安寧 急急如律令

太上老君說天妃救苦靈驗妙經終

右天妃靈符，如有急告，焚香念前咒七遍，書此符，用井花水磨乳香調服，自然安好，無不靈驗。

天上聖母祝聖科儀

(道教法壇使用)

、高功率衆及主事者就位、

一、上香 (主事者若干人，先向外，再向內大禮參拜)

二、香讚

爐香乍爇 法界蒙薰 諸天聖境悉遙聞 隨處結祥雲 誠意方殷 列聖

現金容

皈命 香雲普遍大天尊 (三叩稱)

三、結台

功白：香烟結就鬱羅台 七寶珊瑚碧玉階 寶樹騫林花遍佈 交梨火棗

耀流霞

結台讚：

稽首皈依鬱羅蕭台 無上三清主宰 至真無極 陰陽二炁屬胚胎 生
天生地 生物生人造化賅 至玄至妙神通大 一炁貫三才 刼始刼終

眞空不壞 億仟萬種悉荷栽培 抱一函三生萬化 清靜法門開 唯願道德日增輝 光昭光昭三界 唯願道德日增輝 恩覃恩覃三界

四、朝禮三寶

功白：黃金滿月相 三界獨稱尊 降伏一切魔 諸天皆欽仰 壇場清靜
法界光明 祥光遍佈於虛空 瑞氣登臨於寶座 茲當登壇演淨
請聖之初 先須皈依敬三寶 大衆虔誠 讚揚聖號

請三寶：

功香花迎 衆香花請 功皈依一心 衆奉請

功太上無極大道先天祖炁玉清聖境清微天說經大教主虛無妙道上帝元始天尊 衆唯願 功鶴駕鑾輿 衆光臨道場

稽首皈依道 道在玉京山 玉京山說法 說法利人天 皈依元始大天尊
功香花迎 衆香花請 功皈依一心 衆奉請

功太上眞文寶符 龍章鳳篆上清真境禹餘天宮玄都大教主玉宸妙道上帝靈寶天尊 衆唯願 功鶴駕鑾輿 衆光臨道場

稽首皈依經 經寶演靈文 靈文書鳳篆 鳳篆廣宣揚 皈依靈寶大天尊

功香花迎 衆香花請 功皈命一心 衆奉請

功玄玄太無極默默運化機萬炁之根萬劫之祖太清仙境大赤天宮玄元大教

主太上老君道德天尊 衆唯願 功鶴駕鑾輿 衆光臨道場

稽首皈依師 師心似水清 水清秋月現 月現廣無邊 皈依道德大天尊

三寶慈悲垂加護（三叩稱）

五、請法水（功持香向天請水）

功起華池偈：

一滴清涼水 心花五葉開 九龍吐瑞靄 隨處洒塵埃

功香花迎 衆香花請 功皈命一心 衆奉請

功三十三天紫金殿上碧玉池中掌握混元清水大聖白帝茫泓無窮眞君唯願

衆不違本誓憐憫凡情降赴壇場請仲法乳

水讚：（功行法）

水晶宮 琉璃碧 染不入 混還清 一炁 坎中生 今供養

唵吽吽 涓涓涵玉性 奉獻奉獻諸眞聖 皈命常清常靜天尊（三叩稱）
功起水白：

「夫此水者 生於北坎 陰中之陽 一炁之精 至眞所眞 本源正一
道冠五行 存天地於盂中 納陰陽於象外 能令百妖蕩盡 萬穢蠲除
解穢玄章 謹當持誦
都破穢衆 唵洞章

洞中玄虛 晃朗太元 八方威神 使我自然 靈寶符命 普告九天
乾羅答那 洞罡太玄 斬妖縛邪 殺鬼萬千 中山神咒 元始玉文
持誦一遍 却鬼延年 按行五嶽 八海知聞 魔王束首 侍衛我軒
凶穢消散 道炁常存

六、 舉 讚（朝禮天上聖母大讚） 志心朝禮

天后聖母尊 爲輔斗仙至靈神 兜率降凡塵 玄通傳道法 井符騰
玄微法世無雙 邪魔悉消亡 施法療民疫 機上救親波濤間 德澤遍宇
內 恩覃海天中 鎮涓嶼 靖海嶠 渡群迷

七、三禮三請（跪禮天上聖母寶誥） 志心皈命禮

坤輿合撰 嵩嶽鍾靈 降生兜率仙宮 正位泉源水府 嘯風吸雨 統江淮河海之宗 佑國庇民 濟西北東南之險 閩海證果 湄嶼生輝 大悲大願大孝大仁 勅封護國庇民 明著妙靈昭應 宏仁普濟天后 天上聖母元君（禮畢再跪誦寶誥，誦畢再起立「禮誥」如此三次）

八、獻十供（香、花、燈、茶、菓、茶、食、寶、珠、衣）（此時舉鐘鼓）

功白：修設香花燈茶食稽首道場會上一切眞宰 願賜慈悲臨法會衆誦：

一切福田 齋供爲先 天厨妙供 獻道經師
天帝天眞 法界先靈 十方眞宰 普同供饗

九、供讚

香花燈茶果 茶食寶珠衣 今將獻鴻仁 慈悲垂納受 香供饗 花內有紅蓮 燈照三途明黑暗 茶能解渴得清涼 蘋果獻壇場 茶力大 能退睡魔王 食可充飢 寶獻慈尊 明珠一顆世無雙 衣獻衣獻法中王。

皈命 天厨妙供 大天尊

皈依 無上至真三寶

功吟：聖母元君

衆和：聖母元君

功吟：道場列聖

衆和：道場列聖

功吟：普 同

衆和：供 儀

十、都請稱法職

十一、功報銜 監起 奏樂 表官等執位肅立

十二、監起 表官等三叩各長跪俯伏

十三、都具有表文謹當宣讀 監宣表

（表文）

（高功法師職銜） 誠惶誠恐 稽首頓首

虔叩

天上聖母輔斗元君 聖前

伏以

母德廣大 爰有包涵之恩 民性愚庸 寧無故誤之愆 是用數陳 益加修省 對

瑤階而俯伏 騰悃忱以籲祈 今據

中華民國○○地方○○宮（廟）主事○○暨合宮善信人等敬奉

洪慈 行道濟世 靈異屢顯 信衆日增 共棄罪惡之路 同入至善之門 恭逢

聖壽 齊集稱觴 謹率門下奉

道修啓祝聖法典獻壽祈恩弟子○○○○暨合宮全體男女善信人等 共秉丹忱 叩干

洪慈 誦經上表 循宗教之科儀 禮備樂周 具宮觀之體式 伏維

聖德參天 施法雨而降祥

母恩配地 布道風以垂光

運玄微妙法以全忠孝

施銅符鐵券而靖海疆 茲值

天放瑞彩 地接祥雲 萬信騰歡 十方同慶 愧無冰桃雪藕之獻 惟抒孺
仰恭敬之誠

伏願

大年無極 長春永存 吾道宏揚 萬國來同 復懇

各寶一同垂鑒 錫賜民生樂利 國運昌隆 無禱弗應 有感斯通 家安

宅吉 人壽年豐 諸爲順美 萬事亨通 凡言未訴 總賴帡幪 心香

傳達 表奏上

聞

天運 年 月 日

百拜謹奏

十四、封表

十五、金光神咒：

天地玄宗 萬炁本根 廣修億劫 證吾神通 三界內外 惟道獨尊
頂有金光 覆映我身 視之不見 聽之不聞 包羅天地 養育群生
誦持萬遍 身有光明 三界侍衛 五帝司迎 萬神朝禮 役使雷霆

鬼妖喪膽 精怪亡形 內有霹靂 雷神隱名 洞慧交徹 五氣騰騰

金光速現 覆護真人

磬起 (金光咒五遍)

磬起 五色之烟 薰表上天

五色之炁 衝表達御

磬起 (宣讀開天符命) (請符使)

功 (行法送表)

十六、燔 燎 (鳴爆)

十七、祝延讚

祝中華萬歲三呼 讚元首福壽添圖 願我三清弟子沾餘濡 友明月清風

古道徒 結華壇看誦道經書 端的是際四海昇平 一事也無 恰好樂唐

虞 謝皇天齊拜玉都

皈命 玄都萬壽尊

皈命 玄都萬壽天尊

皈命 玄都萬壽大天尊

十八、跪誦 太上老君說天妃救苦靈驗經

十九、回壇偈

真香九品發芬芳 瑞靄氤氲遶道場 庭實充盈虔供養 慈悲降格錫禎祥

二十、三皈依

志皈依道 當願衆生 一心回向 一切信禮

志皈依經 當願衆生 心開悟解 受持讀誦

志皈依師 當願衆生 早登法橋 無有障礙

稽首聖衆

附錄一 天后大事年表

代朝	帝號	年號	數年	支干	西元	大事紀要	備註
後周	世宗	顯德	六	己未	九五九	六月望日，父母禱於天，遂有娠。	誕生
宋	太祖	建隆	元	庚申	九六〇	三月廿三日，天后誕生，命名曰默。	
宋	太祖	乾德	五	丁卯	九六七	年八歲，始從外傳讀。	
宋	太祖	開寶	五	壬申	九七二	年十三，道士玄通授以玄微秘法。	
宋	太祖	開寶	八	乙亥	九七五	年十六，窺井得符，遂能通靈變化。	
宋	太宗	雍熙	四	丁亥	九八七	年二九，九月初九日道成，白日飛昇。	成道
宋	太宗	雍熙	四	丁亥	九八七	鄉人初建祠祀之，號「通賢靈女」。	初建祠
宋	哲宗	元祐	元	丙寅	一〇八六	鄉人於莆之海東高墩建祠號「聖墩」。	
宋	哲宗	元符	元	戊寅	一〇九八	莆南六十里楓亭之祠宇初建。	
宋	徽宗	宣和	四	壬寅	一一二二	奉旨賜「順濟」匾額，立祠江口。	欽賜祠額之始
宋	高宗	紹興	二	五乙亥	一一五五	封「崇福夫人」。	初封夫人
宋	高宗	紹興	二	六丙子	一一五六	以郊祀典，加封「靈惠夫人」。	
宋	高宗	紹興	二	七丁丑	一一五七	鄉人立祠於莆東五里之白湖。	

元	元	明	明	明	明	明	明	明	明	明	明	明	明	明	明	明	清
文宗	文宗	文宗	太祖	太祖	太祖	成祖	成祖	成祖	成祖	成祖	成祖	成祖	成祖	成祖	成祖	成祖	聖祖
天曆	天曆	至順	洪武	洪武	洪武	永樂	永樂	永樂	永樂	永樂	永樂	永樂	永樂	永樂	永樂	永樂	康熙
元己巳	元己巳	元庚午	五壬子	五壬子	七甲寅	元癸未	三乙酉	七己丑	七己丑	七己丑	三乙未	一五丁酉	一六戊戌	一八庚子	五庚戌	一三庚辰	一九庚申
一三二八	一三二八	一三三〇	一三七二	一三七二	一三七四	一四〇三	一四〇五	一四〇九	一四〇九	一四〇九	一四一五	一四一七	一四一八	一四二〇	一四三〇	一六四〇	一六八〇

加封「護國輔聖庇民顯祐廣濟靈感助順福惠
徽烈明著天妃」。
賜「靈慈」匾額。

晉聖妃

勅封「昭孝純正孚濟感應聖妃」。
重建湄洲神祠寢殿、香亭、鼓樓。加建朝天
閣。勅建祠於泉州。

欽派官員整理湄洲祖祠。

勅福建守鎮官整蓋祠宇。

勅封「護國庇民妙靈昭應弘仁普濟天妃」。
建祠南京城外，額曰「弘仁普濟天妃之宮」。

復天妃之
號宇稱宮
祠始

遣內官張源賈御祭一壇詣湄致祭。

遣內官及千百戶等率道士詣湄設醮。

遣內官詣湄致祭，地方官員陪祭。

遣御史劉麟、內官孔用等詣湄致祭。

遣官詣湄致祭。

加封碧霞元君

勅封「護國庇民妙靈昭應弘仁普濟天妃」。

天后前身
妙行玉女
封號

清	清	清	清	清	清	清	清
仁宗	仁宗	文宗	文宗	宣宗	宣宗	仁宗	仁宗
嘉慶	嘉慶	咸豐	咸豐	道光	道光	嘉慶	嘉慶
一一丙寅	一四己巳	五乙卯	五乙卯	一九己亥	六丙戌	一四己巳	一一丙寅
一八〇六	一八〇九	一八五五	一八五五	一八三九	一八二六	一八〇九	一八〇六
發藏香五炷，命疆吏詣沿海各天后宮祀謝。	颱風成災，命疆吏詣祭祈禳。	頒「安瀾利運」匾額。	頒「澤潭海宇」匾額。	加封「衛漕保泰之神」。	頒「恬波利運」匾額。	加封「敷仁」二字。	經福州將軍文煜奏請，在臺灣安平海口專建祠宇。
臺灣官建天后宮之始							

附錄二 婁東劉家港天妃宮石刻「通番事蹟記」

——錢穀「吳都文粹」續集卷二八輯入

明宣德六年歲次辛亥，春朔，正使太監鄭和、王景弘，副使太監朱良、周滿、洪保、楊真，左少監張達等立。其辭曰：

勅封護國庇民妙靈昭應弘仁普濟天妃之神，威靈布於鉅海，功德著於太常，尙矣！和等自永樂初奉使諸番，今經七次，每統領官兵數萬人、海船百餘艘，自太倉開洋，由占城國、暹羅國、爪哇國、柯枝國、古里國抵於西域忽魯謨斯等三十餘國，涉滄溟十萬餘里；觀夫鯨波接天，浩浩無涯，或烟霧之溟濛，或風浪之崔嵬，海洋之狀態無時；而我之雲帆高張，晝夜星馳，非仗神功，曷能康濟！直有險阻，一稱神號，感應如響——即有神燈燭於帆檣，靈光一臨，則變險爲夷，舟師恬然，咸保無虞；此神功之大概也。

及臨外邦，其蠻王之梗化不恭者生擒之、寇兵之肆暴掠者殄滅之；海道由而清寧，番人賴以安業，皆神之助也。

神之功蹟，昔嘗奏請於朝廷宮於南京龍江之上，永傳祀事，欽承御製記

文，以彰靈貺，褒美至矣。然神之靈無往不在，若劉家港之行宮，創造有年，每至於斯，即爲葺理。宣德五年冬，復奉使諸番國，艤舟祠下，官軍人等瞻禮勤誠，祀享絡繹，神之殿堂益加修飾，弘勝舊規；復重建岨山小姐之神祠於宮之後，殿堂神像粲然一新；官校軍民咸樂趨事，自有不容已者，非神之功德感於人心而致乎！

是用勒文於石，並記諸番往回之歲月，昭示永久焉。

（附記諸番往回歲月部分原略）